

燕脂猷



卓山題



光緒十年歲次
甲申嘉平月署



聊齋臙脂傳

東昌卞氏業牛醫者。有小女字臙脂。才姿慧麗。父寶愛之。欲占鳳於清門。而世族鄙其寒賤。不屑締盟。以故及笄未字。對戶龔姓之妻王氏。佻脫善譚。女聞中談友也。一日送至門。見一少年。過白服裙帽。丰采甚都。女意似動。秋波縈轉之。少年俯其首趨而去。去既遠。女猶凝眺。王窺其意。戲之曰。娘子才貌得配若人。庶可無憾。女暈紅上頰。脈脈不作一語。王問識此郎否。荅云不識。王曰。此南巷鄂秀才。秋隼。故孝廉之子。妾向與同里。故識之。世間男子無其温。

聊齋臙脂傳

婉。今衣素。以妻服未闕也。娘子如有意。當寄語委冰焉。女無言。王笑而去。數日無耗。心疑王氏未暇。卽往。又疑宦裔不肯俯拾。邑邑徘徊。縈念頗苦。漸廢飲食。寢疾憊頓。王氏適來省視。研詰病因。荅言自亦不知。但爾日別後。卽覺忽不快。延命假息。朝暮人也。王小語曰。我家男子負販未歸。尙無人致聲。鄂郎芳體違和。非爲此否。女頰頰良久。王戲之曰。果爲此者。病已至是。尙何顧忌。先令夜來一聚。彼豈不肯。女歎息曰。事至此。已不能收。但渠不嫌寒賤。卽遣媒來。疾當愈。若私約。則斷斷不可。王領之。遂去。王幼時與

此要緊關
鍵

鄰生宿介通。既嫁。宿偵夫他出。輒尋舊好。是夜宿適來。因
述女言爲笑。戲囑致意。鄂生宿久知女美。聞之竊喜。幸其
機之可乘也。將與婦謀。又恐其妒。乃假無心之詞。問女家
閨闈甚悉。次夜踰垣入。直達女所。以指叩窗內。問誰。何。荅
以鄂生。女曰。妾所以念君者。爲百年不爲一夕。郎果愛妾。
但宜速倩冰人。若言私合。不敢從命。宿姑諾之。苦求一握。
纖腕爲信。女不忍過拒。力疾啟扉。宿遽入。卽抱求歡。女無
力撐拒。仆地上。氣息不續。宿急曳之。女曰。何來惡少。必非
鄂郎。果是鄂郎。其人溫馴。知妾病由。當相憐恤。何遂狂暴。
聊齋臙脂傳

二

如此若復爾爾。便當鳴呼。品行虧損。兩無所益。宿恐假迹
敗露。不敢復強。但請後會。女以親迎爲期。宿以爲遠。又請
之女厭糾纏。約待病愈。宿求信物。女不許。宿捉足解繡履
而去。女呼之返。曰。身已許君。復何吝惜。但恐畫虎成犬。致
貽污謗。今褻物已入君手。料不可反。君如負心。但有一死。
宿旣出。又投宿王所。旣臥。心不忘履。陰揣衣袂。竟已烏有。
急起篝燈。振衣冥索。詰之不應。疑婦藏匿。婦笑以疑之。宿
不能隱實。以情告。言已徧燭門外。竟不可得。懊恨歸寢。竊
幸深夜無人。遺落當在途也。早起尋之。亦復杳然。先是巷

中有毛大者。游手無籍。嘗挑王氏不得。知宿與洽。思掩執以脅之。是夜過其門。推之未扃。潛入。方至窗外。踏一物。莫若絮帛。拾視則巾裏女鳥。伏聽之。聞宿自述甚悉。喜極抽身而出。踰數夕。越牆入女家門戶。不悉誤詣翁舍。翁窺窗見男子。察其音跡。知爲女來者。心忿怒。操刀直出。毛大駭反走。方欲扳垣而下。追已近。急無所逃。反身奪刀。媪起大呼。毛不得脫。因而殺之。女稍痊。聞喧始起。共燭之。翁腦裂。不復能言。俄頃已絕於牆下。得繡履。媪視之。臙脂物也。逼問女。女哭而實告之。但不忍貽累王氏。言鄂生自至而已。

聊齋臙脂傳

三

天明送於邑。邑宰拘鄂。鄂爲人謹訥。年十九歲。見客羞澀。如童子。被執駭絕。上堂不知置詞。惟有戰慄。宰益信其情。眞橫加桎械。書生不堪痛楚。以是誣服。旣解郡。敵撲如邑生。寃氣填塞。每欲與女面相質。及相遭。女輒詬詈。遂結舌不能自伸。由是論死。往來覆訊。經數官。無異詞。後委濟南府復案。時吳公南岱守濟南。一見鄂生。疑不類殺人者。陰使人從容私問之。俾得盡其詞。公以是知鄂生寃。籌思數日。始鞫之。先問臙脂訂約。後有知者否。荅無之。遇鄂生時。別有人否。亦荅無之。乃喚生上。溫語慰之。生自言曾過其

門。但見舊鄰婦王氏。與一少女出。某卽趨避。過此並無一
言。吳公叱女曰。適言別無他人。何以有鄰婦也。欲刑之女。
懼曰。雖有王氏。與彼實無關涉。公罷質命。拘王氏數日。已
至。又禁不與女通。立刻出審。便問王殺人者誰。王對不知。
公詐之曰。臙脂供言。殺卞某。汝悉知之。胡得隱匿。婦呼曰。
冤哉。淫婢自思。男子我雖有媒合之言。特戲之耳。彼自引
奸夫入院。我何知焉。公細詰之。始述其前後相戲之詞。公
呼女上怒曰。汝言彼不知情。今何以自供撮合哉。女流涕
曰。自己不肖。致父慘死。訟結不知何年。又累他人。誠不忍

聊齋臙脂傳

四

耳。公問王氏。既戲後。曾語何人。王供無之。公怒曰。夫妻在
牀。應無不言者。何得云無。王供丈夫久客未歸。公曰。雖然。
凡戲人者。皆笑人之愚。以炫己之慧。更不向一人言。將誰
欺。命梏十指。婦不得已。實供曾與宿言。公於是釋鄂。拘宿。
宿至。自供不知。公曰。宿妓者必無良士。嚴械之。宿自供。賺
女是真。自失履後。未敢復往。殺人實不知情。公怒曰。踰牆
者何所不至。又械之。宿不任凌籍。遂以自承。招成報上。無
不稱吳公之神。鐵案如山。宿遂延頸。以待秋決矣。然宿雖
放縱無行。故東國名士。聞學使施公賢能稱最。又有憐才

恤士之德。因以一詞控其冤枉。語言愴惻。公討其招供。反覆凝思之。拍案曰。此生寃也。遂請於院司。移案再鞫。問宿生鞋遺何所。供言忘之。但叩婦門時。猶在袖中。轉詰王氏。宿介之外。姦夫有幾。供言無之。公曰。淫亂之人。豈得專私一人。供言身與宿介。稚齒交合。故未能謝絕。後非無見挑者。身實未敢相從。因使指其人。以實之。供云。同里毛大。屢挑而屢拒之矣。公曰。何忽貞白如此。命撈之。婦頓首出血。力辯無有。乃釋之。又詰汝夫遠出。甯無托故而來者。曰。有之。某甲某乙。皆以借貸餽贈。一二次入小人家。蓋甲乙皆

聊齋臙脂傳

五

巷中游蕩子。有心於婦而未發者也。公悉籍其名。並拘之。既集。公赴城隍廟。使盡伏案前。便謂曩夢神人相告。殺人者不出汝等四五人中。今對神明。不得有妄言。如肯自首。尚可原宥。虛者廉得無赦。同聲言無殺人之事。公以三木置地。將並加之。括髮裸身。齊鳴冤苦。公命釋之。謂曰。既不招。當鬼神指之。使人以氈褥。悉幃殿窗。令無少隙。袒諸囚背。驅入暗中。始授盆水。一一命自盥訖。繫諸壁下。戒令面壁勿動。殺人者當有神書其背。少間喚出。驗視。指毛曰。此真殺人賊也。蓋公先使人以灰塗壁。又以烟煤濯其手。

殺人者恐神來書。故匿背於壁。而有灰色。臨出。以手護背。而有烟色也。公固疑是毛。至此益信。施以毒刑。盡吐其實。判曰。宿介蹈盆成括殺身之道。成登徒子好色之名。祇緣兩小無猜。遂野鴛如家雞之戀。爲因一言有漏。致得隴興望蜀之心。將仲子而踰牆。便如鳥墮。冒劉郎而入洞。竟賺門開。感悅驚龐。鼠有皮胡。若此。扳花折樹。士無行其謂何。幸而聽病燕之嬌啼。猶爲玉惜。憐弱柳之憔悴。未似鶯狂。而釋么鳳於羅中。尙有文人之意。乃劫香盟於襪底。甯非無賴之尤。蝴蝶過牆。隔窗有耳。蓮花卸瓣。墮地無踪。假中

聊齋臙脂傳

六

之假以生。冤外之冤誰信。天降禍起。梏械至於垂亡。自作孽盈。斷頭幾於不續。彼踰牆鑽隙。固有玷夫儒冠。而僵李代桃。誠難消其冤氣。是宜稍寬笞扑。折其已受之刑。姑降青衣。開彼自新之路。若毛大者。刁猾無籍。市井凶徒。被鄰女之投梭。淫心不死。伺狂童之入巷。賊智忽生。開戶迎風。喜得履張生之跡。求漿值酒。妄思偷韓掾之香。何意魄奪自天。魂攝於鬼。浪乘槎木。直入廣寒之宮。徑泛漁舟。錯認桃源之路。遂使情火息烟。慾海生波。刀橫直前。投鼠無他顧之意。寇窮安往。急兔起反噬之心。穴壁入人家。止期張

有冠而李借。奪兵遺繡履。遂教魚脫網。而鴻濯。風流道乃
生此惡魔。溫柔鄉何有此鬼蜮哉。卽斷首領。以快人心。臙
脂身猶未字。歲已及笄。以月殿之仙人。自應有郎似玉。原
霓裳之舊隊。何愁貯屋無金。而乃感關雎。而念好逑。竟繞
春婆之夢。怨標梅。而思吉士。遂離倩女之魂。爲因一綫。纏
縈。致使羣魔交至。爭婦女之顏色。恐失臙脂。惹鷺鳥之紛
飛。並名秋隼。蓮鈎摘去。難保一瓣之香。鐵限敲來。幾破連
城之玉。嵌紅豆於骰子。相思骨竟作厲階。喪喬木於斧斤。
可憎才直成禍水。歲稔自守。幸白璧之無瑕。縲紲苦爭。喜

聊齋臙脂傳

七

錦衾之可覆。嘉其入門之拒。猶潔白之情人。遂其擲果之
心。亦風流之雅事。仰彼邑令。作爾冰人。案旣結。遐邇傳誦
焉。自吳公鞠後。女始知鄂生冤。下堂相遇。覩然含涕。似有
痛惜之詞。而未可言也。生感其眷戀之情。愛慕殊切。而又
念其出身微。且日登公堂。爲千人所窺指。恐娶之爲人姍。
笑日夜縈迴。無以自主。判牒旣下。意始安帖。邑令爲之委
禽。送鼓吹焉。

異史氏曰。甚哉聽訟之不可以不慎也。縱能知李代爲冤。
誰復思桃僵亦屈。然事雖暗昧。必有其間。要非審思研察。

不能得也。嗚乎！人皆服哲人之折獄明，而不知良工之用心苦矣。世之居民上者，棋局消日，紉被放衙，下情民艱，更不肯一勞方寸。至鼓動衙開，巍然高坐，彼噉噉者，直以桎梏靜之。何怪覆盆之下，多沉寃哉！愚山先生，吾師也。方見知時，余猶童子，竊見其獎進士子，拳拳如恐不盡。小有寃抑，必委曲呵護之，曾不肯作威學校，以媚權要。真宣聖之護法，不止一代宗匠，衡文無屈已也。

余旣成神山引八齣觀者謬加許可或曰子以隨園詩註云康熙十五年事信以爲真因有是製然神仙之說究屬渺茫聊齋內胭脂一則層折頗多奇冤超雪且有施愚山先生一判膾炙人口事更徵實何不譜之余唯唯歸取蒲志細加尋繹讀至公討其招供反覆凝思拍案曰此生冤也其冤在何處並未明言掩卷代思恍然有得宿介假無心之詞問女家閨鬪甚悉初次踰垣直達女所何至二次誤詣翁舍迷妄如此前後顯係兩人以是知其冤也若毛大者兇殺之際已遺繡履於牆下脫然而去毫無贓証非

臙脂獄

一

若釵釧記之釵釧在韓時中家可以計賺十五貫之釵得於鼠穴可以智求設非愚山先生託以神明加以愚弄直不能指其實以罪之甚矣聽訟之難也吳公訊出宿介釋鄂拘宿遂成鐵案共稱神明其誤在得情則喜遽曰宿娼者無良士踰牆者無所不爲二語非莫須有乎果再詳思而細審之當亦有所得異史氏曰棋局消日紬被放衙曉噫者以極楷靜之此輩何足論如吳公者尙不能無議何況其他因爲臙脂獄院本十六首於繹供提鞫二齣特申明蒲志未詳之意旨云

光緒甲申春日玉泉樵子自敘

臙脂獄



二

臙脂獄目錄

議婚

遇祭

述懷

問病

講藝

續歡

踰牆

失履

臙脂傳

兇殺

誣承

復勘

訴冤

釋供

捉鞫

廟訊

判圓



膳脂獄

玉泉樵子填詞

提綱

病根

一語收束
全不費力

西。江。月。世。事。原。多。奇。幻。人。心。難。測。荒。唐。癡。情。一。點。屬。檀。郎。
惹。出。重。重。魔。障。但。說。冤。深。李。代。那。知。枉。到。桃。僵。神。明。暗。
裏。護。鴛。鴦。彩。筆。勾。消。怨。曠。


掉慧舌一言戲病女

生謫計兩假鬧淫魔

立鐵案郡尊留餘憾

搖玉管學使了情緣

膳脂獄



第一齣議婚

未布衣花白鬚上。不作工商不務田。傳家末藝等青氈。
鄧攸膝下雖無子。掌上明珠一顆圓。在下姓卞名璞。乃
東昌府人氏。世業牛醫。敢媲美於黃憲。年增馬齒。傷易
老之馮唐。欲跨竈而無人。藥爐空守。盼射屏之有客。蓬
矢虛懸。行年五十有餘。膝前只有一女。今年一十八歲。
名喚胭脂。生成玉琢粉裝。穠纖合度。自具蘭心蕙質。聰
慧絕倫。夫婦愛如珍寶。只是年已及笄。尙未許字。頗覺
放心不下。今日閒暇無事。不免教他們出來商議商議。

賺脂獄

二

媽媽

內應介

可同女兒出來走走。

老旦上

南呂

上林春。半百年華。迅駒過算。賸有瓊花一朵。

旦上

庭階日暖。椿萱替舞。萊衣婀娜。

爹爹母親萬福。

末老旦

罷了一傍坐下。

同坐介老旦你

教我們出來有何話說。末也沒別的。今日清閒無事。與

你們話話家常。想我夫婦年過五旬。尙無子嗣。家道雖

堪温飽。後顧茫茫。胭脂年已長成。生性賢淑。得能選一

清門舊族。與他完了這段姻事。也免我兩人牽掛。只是

世俗人情。難如我意。因此頗費躊躇。

乃翁用意
在此

說盡心中
無限事

實是苦情

過。繡帶兒。傳世業。原非委瑣。喬松冀附。絲蘿恨千家。勢利
成風。舉雙睛。青白分。暇延俄。非是我東床。必選乘龍。可奈
坦腹無人來。臥聽雌鳩。關關未歌。誰似我沒倚靠的丈人
峯。頽然一座。

老旦 老老不必愁煩。婚姻大事。早晚自有前定。斷非人

力所能強。爲我看女兒。敦厚柔嘉。必不至於落薄。

勸慰之詞
曲而能達

前。陞。皮。受。定。兩。兩。鴛。鴦。穩。臥。門。庭。豈。待。張。羅。到。其。間。星。映
紅。鸞。有。冰。人。代。執。金。柯。研。磨。靈。著。枉。自。占。清。課。怕。掛。飛。席
翻。教。折。舵。倒。還。是。隨。流。逐。波。發。付。那。做。月。老。的。人。兒。殷。勤

臙脂獄

三

擔荷

且 爹爹母親爲著孩兒之事。如此聖心。孩兒只願爹娘

康健。常侍膝前。實無他意。雖然如此。是你一點孝心。

畢竟男大須婚。女大須嫁。亦是人倫之要。且 爹爹母親

聽稟

對父母之
言不能不
光明正大
然正是反
激下文

三學士自古來。息處深閨。名遠播。高風最慕曹娥。他非常
孝感通神座。無非是一點精誠志。不磨孩兒呵。但願奉養
晨昏無懈惰。便白首一剎那。

夫 我兒說那裏話來。豈有生女不嫁之理。且 爹爹自古

委婉致詞
已寓深意

以來守志養親者不少况爹娘膝前又無兄弟孩兒情
願侍奉爹娘

前腔幼讀芣苢知采掇何能拘守編摩只要雙親壽比南山
大我每念劬勞廢蓼莪老且我兒亦不必說了老人大
凡婚姻一動自有人來說媒的你何必性急標梅一什終
酬和况我夫婦鬢未皤

夜飯好了我們進去喫飯罷各起介

尾聲末好姻緣偏折挫老且你無端心事枉愁他且咳想

是我命裏生成坎陷多

騰脂獄

同下

四

第二齣遇祭

貼上好天氣也

調商二。郎神融和景漫把韶華看得輕。一刻千金春事勝。
風流佳處采芳人盡情消。領蝴蝶成團燕子迎。看柳隄翠
絲飄影。驀教人心驚。忽飛來歌喉一串。兩箇黃鸞。

爲後文宿
毛二人豎
影非尋常
寫景也

落花款款成團舞。好鳥嚶嚶求友聲。奴家王氏嫁與龔
郎爲妻。生來佻性成。常懷蘭芍。幼卽風流。自賞莫保
蕨蕤。與鄰家宿郎。兩小無猜。偷演荒唐雲雨。雙飛有偶。
難忘。纏綿恩情。好在丈夫。時常出外貿易。得與宿郎不

賺脂獄

五

時歡聚。只且不在話下。月前移住此間。對門有一下姓
牛醫爲業。夫婦二人。閨中只有一女生。得十分美貌。而
且情性和柔。語言雋妙。與奴家結爲談友。頗稱歡洽。今
日無事。且去訪他。閒話一回者。

集賢賓

鱗鱗櫛比。剛望衡清幽。似水門庭。想他掠水飛鴻。
藏倩影。怕現全身。漏洩春情。我雖非司香。作令恐冷落。一
枝紅杏。雲鬢忙整。把雙扉銅獸叩聲聲。

鏤水刻月
細膩風光

叩門內應介是那箇。貼娘子開門且上

鶯啼序。幽閨寂寞。人醉醒心。事蘊灰同冷。好年光。愁心愈

描摹衷曲
清豔淒迷

憎好春聲愁人慵聽最堪憐風搖幕輕閃得箇燕兒無定
誰堪證冷嫦娥合照孤星

開門介

原來是王大姊裏邊請坐對坐介貼多日不曾

奉訪娘子的容顏益發出落的好看了笑介哪哪眉心

喜氣盈盈定是紅鸞照耀且不要提他昨日兩老絮聒

了一番好生煩悶貼說些甚麼呢且

啄木兒家常話沒重輕欲語羞將肺腑傾望美滿舐犢殷
懷絕援繫鳴雁無情椿萱鎮日愁難屏我蕙蘭枉自根孤
挺這真是畫餅充飢飽未能

膳脂獄

六

貼原來爲此世上聘妻不得的男子頗多這是娘子的
容貌才華定要配箇俊美丈夫才是不必愁煩待我慢
慢留意選一箇相對相當的人物

黃鶯兒玉立自亭亭貌潘郎品衛生風華才調溫柔性眉
兒黛青龐兒玉瑩掄才定躡金鰲頂繫朱繩投來玉杵端
不負雲英

旦大姊真會頑笑世間那有這樣男子便算有如此人
才怎肯與我們結親貼這也難說月老紅絲暗中牽引
我們那裏知道不要說了我與你門前望望春景亦可

消遣悶懷 各起介合

立竿見影
起下無痕

前腔暮色漸消凝惹春愁沒主名。繁花各有榮枯命。風搖柳輕波涵鏡清。丰神張緒誰相稱。漫關情青青草色時節近清明。

生素服上 香夢已隨蝴蝶化。淒音偏有杜鵑啼。且注目

介生見且貼俯首慢行下且目送介貼笑介是好男兒

也且羞介貼娘子識此人否且搖首介不識貼此南巷

鄂秀才名曰秋隼故孝廉之子奴家舊與同里故識之

世間男子無其温婉今衣素以妻服未關娘子才貌得

臙脂獄

七

巧言如簧
致病之由
在此

配若人真無憾矣且語介貼娘子如有意當寄語委

冰是無難也且笑推貼介是何言歟明日再見作掩門

下貼笑介娘子春心動矣

琥珀猫兒墜韶年美貌風致更娉婷嬌小身材比燕鶯含

嗔帶笑倍縈情只盼得雙雙比翼兩兩和鳴

郎生人品卻是可愛還在宿郎之上我見猶憐何況於

他

尾聲謝家玉樹殊姿秉便鐵石心腸也動情難怪他美目

清揚屢送迎

閨女羞澀
情狀如繪
映帶一筆
逗下續歡

下

燕脂獄



八

第三齣述懷

生上 獨守孤衾淚不乾。窗前怕見竹團欒。一朝鴛侶成春夢。難共莊周說達觀。小生鄂秋隼。聊城人也。極書攻苦。奈口無吞篆之奇。鐵硯磨勤。懷目不窺園之戒。椿萱早謝。子影零丁。琴瑟倖調。雙聲和協。不意鴟絃遽斷。鰥目空張。回首舊情。徒增於悒。你看箇餘賸粉。鏡掩飛塵。觸目傷心。好難排遣也。

絮酒絨愁
漆燈照影
牙琴獨鼓
眉史空修

南仙 八聲甘州 玉人恁處賸空房。岑寂帳冷香消。春風桃杏添得許多煩惱。舊歡難向妝臺覓。淒影偏同總帳。飄心

傷心人不
忍卒讀

燕脂獄
焦問卿。卿直忍輕拋。

韶景空過。虛名難遂。花封未卜。玉質長埋。卿固負我。我亦殊負卿也。

淒淡入畫

不是路。怕說金鰲。慚愧家聲譽。鳳毛虛鸞。誥憑空。冷了翠雲翹。好蕭條。梁鴻廡賸。銀蟾照素女琴。誰錦纒操。添憑弔。噓寒何處。堪偎抱。夢兒杳。夢兒潦草。

咳。悶懷無俚。鬱鬱寡歡。不免賦悼亡一章。匪遣元相之悲懷。亦誌黃門之隱痛耳。只是從那裏說起。就案拂硯。介。憶那結褵之日呵。

昔黎憶昨
之行庚信
感舊之作

解三醒擁青廬。仙音繚繞認瑤姬。玉貌嬌嬈騰歡告。廟陳
蕙藻中饋事。賴卿調羹廚。尙憶三朝入病榻。俄驚二豎招
我魂。欲掉那禁得歡情未洽。遺掛旋描。

記得去年七夕。戲羅瓜果。乞巧中庭。竝肩燈下。賭誦香
山長恨一歌未至。終篇忽然神色慘沮。我便知非吉祥
之兆矣。

借題發揮
彙思綺合

前腔映星月。蛛盤呈巧。望天河。鵲駕成橋。憑肩私語。情雙
好。連理樹。永相交。梨雲忽濺。三春雨。桃粉旋消。兩頰潮仙
山渺真箇是黃泉。碧落影滅形消。

臙脂獄

十

元微之云。誠知此恨人人有。貧賤夫妻百事哀。教我這
痛淚。何日能乾也呵。

前腔沽美酒。金釵已耗。顧衣裳。盡篋空拋。槐庭葉落也。無
人掃。齋與奠。費空勞。已無蘭玉。稱堂構。并少金鑾伴。寂寥
香塵杳。便眼前境界都付無聊。

閣筆介 咳一棺初掩。坏土未乾。前日友朋相勸。教我早

續鸞膠。我想世間女子。那更有溫柔敦厚。形影相憐。如

我前妻者乎。

前腔道淑訓。姿成窈窕。肅閨儀。庭絕喧呶。六姻雅愛親言。

運用元詩
滅盡鍼綫
痕迹

滑稽徐引

笑蘋蘩。潔瑟琴。調和容。久使奴。星悅端。範能懲。薄俗澆。我非執。拘怕新。絃難叶。翻受譏。嘲。

呵欠介

宵冥何望。緣會難期。一時困倦起來。不免移檠

進去。睡罷。執燭起行介。正是悠悠生死別經年。魂魄不

曾來入夢。

尾聲。淚空啼。心如擣。雞鳴警。且枉。嚶嚶。苦煞我。瘦怯魂兒。

不耐銷。

下

臙脂獄

七

暗逗詠承
等韻

第四齣問病

且病容上

魂銷碧草
淚溼紅絳
抵得一篇
陶怨

南○中○泣○顏○回○無○語○傍○妝○臺○春○色○翻○成○愁○海○惜○花○心○性○驚○看○
絲○怨○紅○駭○雙○眉○深○鎖○卻○無○端○損○了○嬌○容○態○恨○東○君○種○下○愁○
根○怨○蒼○天○降○到○飛○灾○

虞美人黃昏雨點隨風攪隔箇窗兒小聽風聽雨枕斜
歇○卻○似○曲○終○人○去○苦○縈○思○流○蘇○帳○冷○衾○如○鐵○病○況○和○誰○
說○知○他○是○否○意○兒○真○教○我○羞○容○難○語○暗○傷○神○奴○家○卞○氏○
胭脂自那日門前瞥見鄂生神清似玉容嫩如花體態

胭脂獄

三

溫柔眉宇秀朗目所未覩洵是可人未免鍾情因憐生
愛聽得王姊說他妻服未闕料想待續新絃天那得與
此人相倚終身尙有何憾只是秀才家未必肯俯從
想我薄命人亦何能修得到此轉輾思維好難擺佈也
榴花泣情絲裊裊委宛似飛埃千百轉繞胸懷結成冰塊
怎丟開算磨頭命裏招來活受栽埋酷相思硬教人耽待
夜迢迢長漏慵聽病懨懨淚眼偷揩

慧泣蘭啼
深情餘韻

前日王姊說你如有意無難寄語委冰這話兒果是中
聽教我女兒家怎好承認王姊阿你是聰明絕世之人

如織雲卷
空游絲盪
影無窮懷
抱難以言
傳

難道還不知我的肺腑、一去幾日、杳無回音、看來斷斷不成的了、天那你何苦教我與此人邂逅、作弄的人好不苦也、

石榴花奇緣湊合、天賜遇長街、雙目送、兩情諧、恍同劉阮到天台、似栽成、凤世根、不比蜂狂蝶、駭繡絲兒、甘爲平原買、詠衷腸、已青鳥情、逼阻風懷、又黃犬音乖、

隱几介貼上、莫笑虛花、搏蜃市、轉憐病葉、損蛾妝、奴家

幾日不曾去、看得胭脂、昨日遇著他、母親說胭脂、卧病在牀、因此放心不下、前去看看、來此已是不免逕入、見

胭脂獄

三

介、呀、你看他、黛痕減、綠粉暈、消紅瘦、怯春風、情酣秋夢、煞是可憐也、

綺膩風光
病容如繪
一語道著

普天樂、翠眉顰、花容改、病倚化愁、無奈星星、淚星星、淚閣住、香頰強支頤、玉腕慵擡、這根由、費猜呀、有了想爲前日送我出門、合天緣、相逢俊俏多才、

旦醒介、原來王姊來了、失迎勿罪、貼、豈敢、幾日不見、怎麼你的容顏瘦得如許、且亦不自知、但爾日別後、即覺

忽忽不快、延命假息、朝暮人也、淚介

節節高、憑空起禍胎、惹飛灾、前生派定相思債、真慳、活

嘔喘不吐
無限深情

應該難甯耐命宮磨蝎來天外
苗殃猝至將人害漫說是
嬌小無人託知心幸有你深閨結契關疼愛

誘人入阱
是何居心

貼移座近且介我家男子負販未歸尚無人致聲鄂耶
芳體違和得非爲此且俯首不語介
果爲此者病已至是尙何顧忌先令夜來一聚彼豈不肯

一味甘言
幾乎入彀

漁家燈他本是鏢目眯眼怎盼得魚水和諧先與你錦帳
歡娛再圖他玉臺恩愛夢兒真箇非黃嬾怕一刻千金難
買啣啣春風滿懷謝醫師安排寶釵

且搖首介咳事已至此不能收矣但渠不嫌寒賤卽遣

騰脂獄

兩

一念之誠
見賞於名

媒來疾當自愈若言私約斷斷不可

教

磊磊落落
巾幗鬚眉

古輪臺禮儀乖損人妨已禍根埋我非是投梭意在鳴貞

肺腑之言
傾筐倒篋
終無一語
涉私

潔只爲他子衿垂誠你看我病體淹煎翻惹出意外疑猜
卻不道果擲潘郎看叢衛玠劇傷心今古此情懷多謝你
傳消遞息把佳期早訂同鞦韆好準備紅袖添香碧池洗硯
綠窻滌筆博議盼東萊王姊阿你實對他說我真疲儘支
離瘦骨已如柴

王姊請便我身子倦乏只得失陪了先下貼癡妮子病
到如此還在我面前假撇清我倒好笑

恬不爲怪
不可救藥
矣

尾聲 人生何事愁難解。都只是怨女駭兒自惹來。你看我

笑下

燕脂獄

五



第五齣講藝

中淨上

仙呂入雙調風入松居然名譽滿覺宮情思託言周孔區區姓

宿名介東昌府學中一箇有名的秀才自來聰明生性並無懸梁刺股的功夫偏能剽竊爲工卻有換骨脫胎的本領所以同道中推爲飽學便是宗師歲科兩考亦不出一二名之外薄薄聲名頗聞遠近只是性耽花柳不忘漁色之心好在學富天人難泯翹材之目後輩中出了一箇鄂秋隼才鋒犀利品格鴻鶩今日相約講藝不免前去走走

臙脂獄

去

怕後來居上遭譏諷只得把鞭絲先控來此已是講堂怎麼鄂生還未到來想必時候尙早怎麼處啞有了且到左近鄰家探望探望可有合意的人兒待我賞鑑賞鑑我貪看梅花興濃想野橋畔路旋通

暫下生上

前腔春華秋實企儒宗獨學迂疎增恐小生鄂秋隼螢窗攻苦駒齒自慚筆灑金壺漫說賦成鸚鵡書探石室還期信篤豚魚既受師承兼資友益同郡有箇宿介著名飽學既屬同庠應歌伐木今日約在講堂相會須索走遭文章

接濟矣

借映得妙

百不應心

醜態可掬

大言不慚
比比皆是

胭脂亦可
謂樂而不

訓話相涵泳。賴啟發把愚衷感動。此是講堂爲何靜悄悄。
的想宿兄未到。咳。想來他帳暖芙蓉。不似我鰥居者眼惺
忪。中淨上看了幾家都是亂頭粗服。沒有一箇入得我眼

睛的才難不其然乎。黃蘗甕。烏鴉洞。杈樹樹。那裏有態纖
穠。進介鄂兄來了。生宿兄何事來遲。中淨豈有此理。我黎

明到此等到亭午不見兄來。故此左近走走。生得罪了兄
何起得恁早。中淨孟子云。雞鳴而起。孳孳爲善者。舜之徒

也。我輩身列膠庠。當以聖賢之語爲重。所以兄弟嘿言必
稱堯舜法唐虞。持身在敬恭。拱手介倘有箇平章日效垂

胭脂獄

拱。

生可敬之至。中淨今日先講何書。生小第孤陋寡聞。請

教老兄。中淨豈敢。十三經注疏。小弟均可背誦。聽憑吾

兄揀擇。生小第何敢望及肩背。竊謂詩以言志。講詩如

何。中淨好極。請教。生兄先請。中淨先聽我兄粲花妙論

生不敢。小第不過略通大旨。嘗思二南首詠。關雎。言后

妃之德。風之始也。所以風天下而正夫婦。匡衡言妃匹

之際。生民之始。萬福之原。婚姻禮正。然後品物遂而天

命全。孔子謂其樂而不淫。冠三百篇之首言。太上者民

淫作者特
引關雎語
無泛設

遙映後文

各肖口吻
各合身分

真所謂詩
以言志也

隱衷盡露
巧妙異常

鄂生果見
及此亦可
謂獨具隻
眼

之父母后夫人之行不侔乎天地則無以奉神靈之統
而理萬物之宜推之葛覃崇節儉卷耳達憂勤膠木能
逮下螽斯慶蕃衍無非化行俗美也

前腔溫柔敦厚達懽悰一語無邪撥冗箋疏傳注紛如訟
論大旨不出和雍遇淑女好逑爭詠窈窕質女之宗徽音
著羣欽德容漫徒誇挖雅揚風溯文王行化肇中宮三十
世綿緒統

中淨 我兄所言西京之盛軌二南而後降及邱鄘衛鄭

盡屬淫奔之詩男女相悅情迫而莫能自持易經直道

贖脂獄

六

男女構精禮經謂飲食男女人之大欲存焉孔子刪詩
不廢淫穢所謂王道不外人情也

前腔各言情欲出由中里巷遍傳歌詠新臺中葦言之痛
又何論采蘭采葑蚩蚩氓漣漣涕湧何況是總角宴笑言
同

生笑介 哈哈兄之說詩勝於匡衡真令人解頤矣領教

領教天已不早小弟失陪了中淨請便生出介 此人別

有肺腸一席之談已規梗概正是陳詩不必貞淫辨都

在軒軒采訪中下中淨 我想漢室張良姣如處女鄂生

條波

斷章取義

戲謔作收
設想奇妙

容貌亦頗似之、可惜金玉其外、敗絮其中、一味講的迂腐不切之談、且自由他今日興發、到王氏家中、敘敘舊、亦可消遣悶懷、有理阿有理、

松下樂桑中原是舊行蹤、要我何妨到上宮、錦衾久與甘同夢、會且歸怕讀篇終、他夫婿負販出外斷不歸來、我且放膽前去、准和他兩情濃、端不至單繩鞮、我本是武腔、

下

懸脂獄

丸

第六齣續歡

貼上

清詞麗句

起下

駝雙新水合茶蘼開過草萋萋。春光一杯婪尾鶯啼芳樹密。燕舞畫簾低。是處花飛。偏惹著游絲繫。

社鼓螽螽聽賣餠。桑陰多半女兒聲。青驄陌上頻來往。便是羅敷也。動情奴家王氏。丈夫出外未歸。家道無虞。空乏羹湯。手製荆布身全。雖然顧鏡形單。未肯倚門笑賣。只有舊鄰宿介。自幼綢繆至今。纏綿偶聯情好。藉慰寂寥。這幾日不曾見來。不知爲了何事。

臙脂獄

三

駐馬聽是也。疑非難。雕梁別壘泥真耶。如戲何曾鴛帳。定。居。奇。行。雲。流。水。卻。相。宜。緘。愁。飲。恨。終。何。濟。須。恰。例。要。刪。除。煩。惱。添。歡。喜。

副淨丑同上

脫靶交梨留凍面。削皮甘蔗臙梢頭。副淨

趙二你的梨怎麼變了凍面。丑不用說成了爛崽。王三

你的甘蔗怎麼臙了梢頭。副淨也不用說成了光棍之

尤我聽說龔老大不在家。他女人長得狠標致。我們去

溜打溜打。丑好好。我正想他且去碰碰看。進介大嫂子

請了。貼二位何來。副淨丑我們知道大哥不在家。嫂子

一推一挽
別有心情

寂寞、特來陪伴陪伴、貼我也慣了、婦人家、怎好教男子
漢陪伴、丑 嫂子總有用得著我的時候、貼什麼說話、丑
譬如廚下要洗箇葱、剝箇大蒜、我都會、嫂子做鞋面、要
用麩糊、我跌跌蹋蹋、慣會打的、貼這些混帳話、少說與
我走出去、副淨 他不會說話、惱了、嫂子我們別無他意、
大哥在家、時常帮襯我們、如今他出外、我們越法苦了、
想、嫂子借我們幾箇錢、做箇小買賣、也好度日、貼原來
是爲借錢、你大哥出門、也沒留下多少錢、我也是東挪
西湊、你們代我那裡借借、等大哥回來、自然就還的、丑

賺脂獄

三

擦空老壽星、我問他借、他到問我們借起來、推近貼介
嫂子錢是有處借、只是花消大些、貼惱介 什麼樣子、推
肩擦背、被人看見、成何體統、再不走、我要喊叫了、副淨
丑 嫂子不用動氣、我們就走、出介 往常看他、和顏悅色、
今日爲何氣烘烘、副淨 暫且避開、慢慢用水磨工夫、下
淨上 饒有饒涎思、玉饌苦無香餌、鈞金鱗、我毛大一生、
游手好閒、半世嫖賭、喫著同巷中來了一箇龔家女人、
花騷得緊、未免動心、聞他丈夫不在家、讓我前去調調
情看、進介 龔大嫂請了、貼你是西頭住的毛大、淨 不

反激妙

敢正是大嫂有心認識我了。貼怎麼教有心無心、同在一條街上來來往往、那箇不認識。淨大嫂無心認識我、我倒有心要認識大嫂。貼怒介胡說你們欺我丈夫不在家、都來戲謔調笑我們清白人家、豈容你門亂走快出去、推出作關門介淨好手段待我慢慢捉他的破綻、拏住鞞柄、不怕他不上手。下貼今朝晦氣碰著這班東西、不免門上門進去睡罷。下中淨上

雁兒落步斜街、星月稀、穿曲徑、心神悸、聽樓頭玉漏催、怕籬下金鈴吠。

臙脂獄

三

我宿介回家喫了晚飯、乘著星光來訪王氏、此間已是叩門關了、待我輕輕一叩。

得勝令觸手獸環低、關心燕語微、許我桃枝折、勞他蓮步移、遲遲想倦態、深宵磔依依、准懽惊百樣宜。

叩門介貼內嚷介又是那箇混帳行子、半夜三更亂敲人家的門、我要罵了。中淨張皇介這是那裡說起、怎麼一時變了卦、待我大著膽問他一聲、王大姊、是我在這裡、貼上隔門問介你是那箇。中淨低聲介我是宿介、啞貼笑開門中淨進介你爲何罵起我來、貼不是喔待我

關上門細細告訴你關門同坐介

熟極而流

川撥棹今日事忒稀奇。孽空來無首尾。風馬難期。牙角相持。中淨是何人與你爭鬧。貼豈止一人不翼而飛。有偶無奇。出言辭非情非理。究根柢沒端倪。

先來了兩箇趙二王三。卻與我丈夫來往的。意在借貸。尚可支遣。後面又來了一箇。便是同巷住的毛大。著名無賴。闖進我屋來。滿嘴戲謔。煞是可恨。我煩悶得緊。所以關了門。坐在裡邊。中淨原來為此。多是想天鷲肉喫的。誰教你長得這樣好看。貼你又來取笑。我暖了一壺

賺脂獄

三

酒在裡邊獨飲。你來的正好。到房中同喫一杯。進內同

飲介貼幾日不來。那裡又鈎上一箇。中淨真是冤枉。連

日與學中朋友講書。正經得極。今日方與鄂秋隼講了

半日書。回去喫了飯。想着你特來看看。貼說起鄂秋隼

卻有一段風流佳話。中淨他那人不會風流的。貼不是

喔。我對門下家有箇女兒。名喚胭脂。真是箇出色人物

中淨我亦久耳其名。怎麼樣。貼那日在他家閒坐。他

送我出門。可巧鄂生路過。胭脂一見。極爲留情。我說他

新遭妻喪。若與你作配。真是一對好夫妻。原是頑笑。他

步步引入
文心之巧

便有望蜀
之意

諺出實言

竟認了真。如今臥病在床。中淨你怎麼慰藉他呢。貼我

說病已至此。先令夜來一聚。中淨他又怎麼說。貼他倒

假撇清說斷乎不可。你既與鄂生相熟。何不代致拳拳

中淨妙極妙極。我去對鄂生說。他聽了這般有情必然

肯往。與他面訂終身。躊躇介只是他膽兒極小。若走錯

了路。鬧出事來。反害了他。你既常到他家。熟悉路徑。朋

脂住房在何處。我與他說。簡明白。豈不兩全其美。

七弟兄。良鑿審幾。訂佳期。婚姻當面。憑他締眼前。省得獨

情癡。這番功德。是俺和你。

贖脂獄

啞

暗起後文
毫不着迹

不中聽呵
欠來矣

貼那胭脂住在第二進西廂內。前面是他父母住的。我

看來。夜晚獨去。倒底不妥。還是教他央媒說合的好。中

淨不語呵。欠介。貼夜深了。收拾杯盤。早些睡罷。

收江南人家閒事。費心機。何如你我效于飛。合今宵兩雨

又同棲。怕歡娛夜短。霎時窗紙漏朝曦。

搜貼下

點明續字

全篇關鍵
即繫此問
答間作者
縷晰言之
閱者亦不
可忽

第七齣踰牆

老旦執燭上。俗情牽累重。病態惹愁長。連日因女兒病。體不減。好生煩悶。今日服了藥。不知如何。且去看他。一看方好安睡。我兒可能掙紮些兒。旦包頭上。母親還未睡麼。老旦。我放心不下。再來看你。一回此時覺得怎麼樣。旦。服了藥。略覺好些。只是胸膈間總難舒暢。

調雙

山坡羊。賸絲絲氣兒如縷。慣搖搖心兒無據。悶沈沈結塊填胸。怯生生聞響空增懼。好似池內魚。何嘗合眼珠。終宵清醒兩日張如炬。數盡更籌。獨自喃喃語。歛歛滅愁。

騰脂獄

圭

容似朽樗。居諸度年華。等隙駒。

淚介老旦。不要愁煩。慢慢調養。自會好的。你且安息片時。我也倦了。明早再來看你。正是禱天無別語。只願免飛殃。執燭下。旦。愛娘。嗟。我的心病。何能說與你知道。

皂羅袍。便向蒼天難籲。縱生身之母。欲語。咀嚅情絲空際。自縈紆佳音。暗裏多翻語。藥爐煙裊。寥寥夜虛。芳容星慘。飄飄影。懼怕芳魂。漸逐香塵去。

千迴百折
正如晴絲
裏空

假寐介中淨上。竊玉偷香。情放浪。移花接木。計高強。我宿介。昨在王氏家。知道胭脂看上了鄂生。一心要想嫁。

大有斟酌
作者從後
文毛大誤
詣翁所句
體會得之

雙管齊下

藻采繽紛

他我正悶得胭脂十分美貌無計可圖可巧有此機緣
我便向王氏誘出他門庭路徑一一記清如今假冒鄂
生前去料他未必認得清楚我且圖一樂有何不可來
此已是他家門首你看牆不甚高可以攀援而過且慢
聞得王氏說前進是他父母所居未可造次又行介過
了前進這是後廂想必是胭脂住室且喜靠牆有株柳
樹待我扳住柳條聳身過去拱手介柳兒柳兒煩你做
美一回者

解三醒短長條似紅絲牽住
蕊龍態似紅葉流徐我輕狂
胭脂獄

更似你風前絮看他搖蚪蚪映蟾蜍扶持弱質憑擡舉
引和風借拂噓殷勤語全仗你鴻溝越界我驪窟探珠

作跳進牆介那屋內隱隱有燈火之光想必是他住室
我且近窗一覷作窺介正是作扣窗介且醒望介那裡

聲響中淨是小生且驚介你是何人中淨小生鄂秋隼
蒙娘子雅愛王姊命我到此的且張皇介以手撫心半

响介果是鄂郎麼中淨不敢相欺且歎介咳妾病之由
諒蒙王姊轉達但妾所以念君者為百年不為一夕郎

果愛妾速倩冰人若言私合不敢從命
中淨此何敢望

小生拚死而來、亦謂人生難得知、已既蒙雅矚、又累芳體、遠和人非木石、能不動心、祇求一握纖腕、爲信耳、且起從容、啟戶中淨、遽入抱、且且扑地、中淨急拽、且卧地

不起介、且何來惡少、必非鄂郎、果是鄂郎、其人温馴、知

妾病由當相憐恤、何遂狂暴如此、若復爾爾、便當嗚呼

品行虧損、兩何所益耶、中淨放手介病體如斯、何敢相

偁、請訂一後會之期、以便如約而至、且親迎不遠、何必

預期、中淨俯地繾綣介若待親迎、豈不太遠、必求示一

近期、慰我飢渴、且皺眉介、且待病愈、中淨如此先求一

臙脂獄

毛

物爲信、且既訂終身、何須信物、中淨捉足解履欲出介

且郎來妾、旣以身許君、復何吝惜、但恐畫虎成犬、致貽

污謗、今褻物已入君手、料不可反、君如負心、但求一死

玉包肚、飛言如雨、怕憑空謗傳、里閭縱今宵會、合情空已

百歲光陰、天與和諧、預兆君心、諒不把盟渝、我惟有殷殷

盼彩輿

中淨點首急下、且從容起介、今日之事、如醉如癡、若是

鄂郎、宜加温婉、若非鄂郎、還有何人、好令人難解也

皂角兒、論容華先滑碧朱、論才華難分燕許、盪琴心似病

如慕如訴
無限深情

宿介穢褻
之態寫得

如此大方

渴相如失羽儀、非風流張緒、真箇是誰劉晨、誰阮肇、夢迷離、天台路、誰分爾、汝然歟、否歟、如迎如拒、好教我恹恹、不定、咄咄、空書。

初進門來、情景頗覺可疑、但他說王姊教他來的、這一

定是鄂郎無疑了、笑介男子性情、那能如女兒柔順、或

者情動於中、不禁手舞足蹈起來、卻也難怪、

極承原諒

尾聲原情體物、須從怨膠柱論人、見太迂、只是繡鞋入於

他手、事果有成、原無妨礙、鄂郎吓你若負心、一朝揚播、我

之性命休矣、但願得美玉微瑕、不掩瑜。

暗映判辭

臘脂獄

下

美

第八齣失履

淨上 非貪猛虎口中食。要奪驪龍頰下珠。我毛大前見
龔家女人十分美貌。潛住調戲。孰知被他放下臉來。發
作幾句。討了箇沒趣。回來如今打聽得他與舊鄰宿介
向有往來。我便心生一計。暗中察訪。見他進去。即時跟
踪。而往待他上牀。進去掩執。拏住了這箇把柄。便宿介
亦無法可施。讓我抽箇頭兒。也是好的。龔家的女人哪
你如非鐵桶相似。我亦無縫可鑽。既有此事。不怕你逃
上天去。我也有拏雲的手段。今夜睡不着。且到那路口。

胭脂獄

无

暗地守他去。暫下中淨急上。從來好事多磨折。且把佳
期暫展舒。我今日這番心計。十分已做到九分了。無奈
胭脂病體沈重。我才一碰他。便跌倒在地。可謂嬌嫩已
極。還說我狂暴。我如何再敢用強。一則要憐香惜玉。二
則怕露出破綻。被他喊叫起來。反爲不妥。因此把那如
茶如火的心思。漫漫用饑涎澆滅了。緩款慰藉。數言幸
虧我心靈手敏。瀕行時做了箇子。以是爲竊履來與。出
繡鞋把玩。以巾裏之復揣入懷介。咳。一團慾火。終竟難
熬。有此信物。容緩圖之。東牆雖踰。其新不可得。西鄰再

好熱二字
爲後文脫
衣布局

由此說出
實情毫無
痕迹心思
極巧

卜其舊如之何、作到推門進介、且喜門兒半掩在此、貼

內問介是那箇、中淨是我不要再罵、貼內既是你把門

闔上了進來、中淨是了、作關門鞋包落地上急下貼上

更聲漏點頻催我、月下燈前最惱人、坐一旁中淨上坐

介大姊今日好熱、貼笑介你不知幹了什麼事、滿頭大

汗、氣喘吁吁的叫熱、我穿了這些衣服、並不見熱、中淨

你儘拏我開頑笑、你坐在家中、我走了許多路、那能比

得、淨暗上看那狗彘的進去了、我也悄悄進去、作推門

介且喜不會上門、作踹鞋包檢起手揣介、綿軟的是恁

賺脂獄

三

的東西不用管他、且懷起來、又悄悄行至窗下竊聽介中

淨你廚下可有熱水、我去取盆水來洗箇臉、貼笑介熱

水倒有、怕你搯不到手、我替你取一盆來罷、下中淨這

箇人聰明之極、處處機鋒、到要防備、貼執盆上水已有

了、你到底替關上了門、沒有、中淨關上了、怕什麼、中淨

作洗面介貼阿嚏、滿身大汗、還不脫了衣服、抹箇身、响

臭、與中淨脫衣中淨急掩藏、貼強脫下中淨急介、這是

何苦、滿地找介貼旁坐笑介、不用找、那寶貝在我這裡

了、中淨呆半晌、揖介、好姊姊你給我罷、貼談何容易、給

信筆拈來
都成妙諦

南商調

過曲。黃鶯兒。香豔出芳鄰。是臙脂被底春筍尖。一握剛盈寸。鍼兒入神花兒。斬新盈盈蓮瓣。從心頭。褪異香。噴抵明珠入手。還比玉加珍。

貼臙脂之物。怎能到得你手。中淨不瞞你說。前晚你道

臙脂看上了。鄂秋隼教我做媒。我想臙脂美名。無人不知。何妨張冠李戴。我竟冒了鄂生。今夜跳過牆去。賺開他的房門。原想成其好事。奈他病體懨懨。我才要動手。

臙脂獄

三

和盤托出
盡入毛大
之耳

他先跌倒在地。只得假意温存了一回。我想賊無空過。問他要件信物。他再三不肯。我便捉住他的脚。將繡鞋脫下。怕露出破綻。只好急急轉來。且待他病好。再去求歡。實是未經到手。想你也不至於喫這寡醋。貼原來如此。我是與你頑耍。並不見什麼繡鞋。中淨真箇沒有麼。待我點箇亮出去。找找看。淨悄悄出急下。中淨點燈各處照畢。見門開介。阿吓真是昏了。我說關上門了。那知不曾關得。幸喜深夜無人。作關門轉介。大姊找遍了。沒得。莫非掉在街上了。貼這也難說。不要被人檢了去。中淨

夜深人靜、未必有人檢去、明日大早、沿着舊路尋去、咳、
今日事不湊巧、白費我一場心計、

前腔、半夜六街奔笑、登徒枉費神、佳期日後全無準、我怕
小小一鞋、易於脫落、還將手巾包裹、十分鄭重、添條手巾、
志條命根、毫無利息、先虧本恨、湘裙藍橋已到、只隔一條
津。

貼旁坐不語介中淨

大姊大姊你還在那裡氣我麼、貼

男兒心性、見異思遷、何氣之有、中淨搔首介咳

前腔、今日直遭瘟、兩頭空冤、覆盆十分懊恨、還要三分忍

臙脂獄

三

跪介大姊阿、我求漿有因、偷香未聞、狂愚贏得箇心神窘

望深恩、念舊時愛戀、盟誓願重申

我以後再不幹這等事了、大姊恕我罷、貼你既知悔、以

後不可如此、我和你恩情非淺、雖然出嫁、未忍拋離、只

為一點癡情、不渝舊約、你亦是庠序中人、不可過自菲

薄、徒傷陰德耳、中淨大姊至言、敢不銘佩、貼挽中淨起

介

一篇謔浪
文字以規
誠收場作
者從失履
後不敢復
往句體察
出來

前腔、愛慕為斯文、豈狂且共比、倫便是我平日、豈無見挑
者、肯飛英、儘逐深溝、涵葳蕤、自芬桃源、自春那犬兒、怎向

籬兒進鴨爐。温只焚來蘭麝。何處雜猶薰。

夜深了睡罷。

下中淨咋舌同下

臙脂獄



三

第九齣兇殺

末上

借景傳神

北雙調風入松。蕭寥庭院暮鴉飛。何事慘恹。嗚聲觸耳心

驚悸。當頭似向我哀啼。咳。惹閒愁已。諸般可耐。聽淒音怎

一時深味。

自嘲自解

生業久相安。俗情偏易擾。五嶽不能遊。向平事未了。在
下下璞醫道相傳。小康汙可。昨因女兒忽染重病。愚夫
婦日夜不安。奈獸醫不能活人。只得延大方。脈調治日
來。漸覺輕減。已可放心。只是年已長成。艱於擇壻。賢者

臙脂獄

齣

不肯就我。愚者不願攀他。為此因循。何日是了。好生煩
悶也。

喬牌兒。問年原及笄。納采誰投綺。無情月老絲難繫。顛黃
姑。錢早貫。

呵欠介

更鼓初聞。睡魔已到。有些年紀。人便不中用了。

早些睡罷。

作入帳睡介淨上

喜星不是紅鸞照。毒霧思

將么鳳迷。我毛大一心。要想王氏上手。昨晚前去捉姦。

不料進了他門。踹著一物。軟丟丟的。不知什麼東西。我

就懷將起來。到他窗下竊聽。那知宿介那狗彘的。有了

一箇、又想一雙、冒了鄂秋隼的名字、偷到胭脂屋內、要
想求歡、奈他病重不允、竟把他腳上的繡鞋褪下、拏了
回來、在王氏面前、一一說出、哈哈、這才是不打自招、不
想被我聽得清清楚楚、他出來找尋繡鞋、我便一溜煙
跑走了、回到家裡、探懷出鞋介拏這隻繡鞋、細細把玩、
不覺的慾火難熬、懷鞋介那胭脂在門首看見過幾次、
真是婷婷嬈嬈、比王氏更美、因此想了箇假中套假的
計策、今日照依宿介、冒箇鄂秋隼的名兒、前去走遭、有
何不可、

胭脂獄

壹

新水合桃僵李代更翻奇、
層樓臺出人思議、巧機關仗靈
犀、做一箇時遷、鼓上跳新戲。

來此已是下家門首、你看他牆不甚高、怪不得宿介那
厮跳進跳出、毫不爲意、待我聳身而過、作跳進介只是

門戶不熟、那邊燈光射處、想是胭脂的臥房、待我咳嗽
一聲、他自然知覺、近窗窺作咳介末驚寤、掀帳出介、窗

外似有人走動、莫非是賊、待我近窗一覷、淨又咳介、末

驚不語、淨娘子開門、我鄂秋隼來了、末駭介、什麼鄂秋

隼、他口中稱說娘子、莫非我女兒有什麼蹊蹺、將燈移

暗處牀側摸刀近窗作女聲

你來作甚吓淨娘子許我

前來現有繡鞋爲證不可負約末怒執刀開門出介你

是何人往那裡走喫我一刀淨急閃末喊介院內有賊

喇老旦急上老老賊在那裡末那邊黑簇簇的不是麼

末追淨跳落鞋地上末用刀砍淨閃過奪刀砍末頭腦

末倒地淨跳牆急下末略轉側不動老旦不好了我兒

快來旦上院中何事喧嚷老旦院內有賊我看他跳牆

出去了你爹爹跌倒在地絕無聲響快去點箇亮來看

看旦急下執燭上近視末介老旦不好了滿頭鮮血被

賺脂獄

美

賊砍死了哭介阿吓老老你如何這等鹵莽那裡是強

盜的對手白送了這老命苦也旦哭介這是那裡說起

憑空來箇強盜送了我爹爹性命老旦如何是好我和

你均是女流須得報官拏賊償命怎麼想箇方法旦只

有我母女同到縣中喊冤縣官必來相驗爹爹的屍骸

未便移動只好拏牀被來遮蓋我二人守到天明再作

計較老旦只好如此作拏被掩蓋暗抬下老旦你且守

着待我拏着亮照照看有什麼形迹拾刀介這刀是你

爹爹牛身上剗瘡用的倒不是賊攜來的兇器又見鞋

拾起介、阿吓奇了、怎麼掉下一隻繡鞋、細視介、這鞋分明是你的、難道你做出醜事約他來的麼、且接鞋看畢、跪介、母親、實是孩兒不肖了、事到如今、不敢隱瞞、前月對門王大姊來與孩兒閒話、孩兒送他出門、忽見一白衣秀士走過、孩兒看了他一眼、王大姊取笑、便說娘子認得此人否、孩兒答言不識、王大姊說、這是南巷鄂秀才、是我舊鄰、新遇妻喪、若娘子得配此人、真是嘉耦、後來孩兒臥病、王大姊來看、又提前事說託人致意、委冰孩兒亦不在意、前晚忽聞後院聲響、孩兒便問何人、

臙脂獄

三

說是鄂秋隼、王大姊教他來的、孩兒便道、君果愛妾、速倩冰人、若言私合、斷不從命、他說既承相愛、但求握手爲信、別無他意、只便是孩兒沒主意、勉強起來、開了門、他進來、便猝然擁抱、孩兒病體難支、跌倒在地、他將兒鞋子、強行褪去、實無苟且之事、不想他今日復來、母親阿孩兒看他溫文爾雅、不料他強盜居心、今日更是不共戴天之讐、母親在家守着孩兒、拏這鞋子爲證、獨自前去喊冤、定將鄂秋隼拏到、千刀萬剮、以報父仇、以雪我恨、痛哭介、老旦、阿吓、我全然不知道、且不想他人面

獸心一至於此

攪箏琶同鷹鷲。誤認鳳鸞飛。這怨恨誰知。恁羞慚莫洗。羞和怨一身。懼骨肉流離。遇兇殘。恍如遭魅魍。切齒介頓教人恨切心脾。

老旦咳可憐他爲了擇婿一事。終日愁煩。今日以此殞命。還遭如此慘毒。

本調煞東牀難覓連城壁。反拚得肝腦塗地。好教我創深痛劇。

這是那裡說起

臙脂獄

同哭下

美

第十齣 誣承

丑冠帶上

臨民未必皆循吏、竊祿何妨作備員、下官聊

城縣知縣胡圖是也、籍隸宛平、亡有鄉、自幼父母雙亡、留下我弟兄兩箇、家兄胡理現充戶部經承、區區在家時、並不曾外受傳訓、入奉母儀、終日浪蕩、知識漸開、偏遇著毛施淑姿、工嘖妍笑、我與他絃歌酒讌、接杯舉觴、他與我晝眠夕寐、藍笥象牀、弄得來節義廉退、顛沛匪虧、想著家兄定然、是矩步引領、俯仰廊廟、我就做箇游鷗、獨運凌摩、絳霄到了京都、果然見宮殿鬱樓觀、飛

臙脂獄

堯

驚見了家兄、原是孔懷兄弟、同氣連枝、他說聞你在家、不能穀年矢、每催曦暉、朗曜倒做了璇璣懸幹、晦魄環照、嚇得我稽顙再拜、悚懼恐惶、我說哥哥、我以後知過必改、得能莫忘、你切莫妄談、彼短靡恃、已長哥哥說卻好、部中要一貼寫你去當了、要始制文字、乃服衣裳、我果然賤牒簡要、顧答審詳、當了幾年、報滿考職、居然的堅持雅操、好爵是糜、那部堂說此人貽厥嘉猷、須勉其祇植、看起來篤初誠美、慎終宜令、我便以知縣投供、納選、運氣大佳、吏部說奄宅曲阜、微旦孰營、正所謂學優

登仕攝職從政、我就世祿修富、車駕肥輕、到了任、坐朝
問道、垂拱平章、人人頌揚、我化被草木、賴及萬方、上司
保薦、說得我雲騰致雨、露結爲霜、把我調繁補授聊城、
正有如驢贏犢、特駭躍超驤、我如今德建名立、形端表
正、上司分外喜歡、說我釋紛利俗、並皆佳妙、笑介樂得
我矯手頓足、悅豫且康、今日是放告日期、故此束帶於
莊、跛介徘徊瞻眺、

黃鐘

過曲畫眉序、百里領提封、七品官兒最威重、掌刑名錢穀、

落是一粉
面圓趨官
兒

坐鎮從容、那知他禮樂兵農、一味價含糊、情趨承上憲、

胭脂獄

罕

雙肩聳聲名、做得飛紅、

取役上今日告期、請老翁升堂、丑傳點升堂、發柳丑坐

堂、且上、爺翁伸冤役出介可有狀紙、且無狀口訴、役進

介稟老爺外面有女子喊冤、說無狀口訴、丑著他進來、

役傳你進去、且進跪介、爺翁冤枉阿丑你姓什麼、何處

人氏、有什麼冤枉、一一訴來、且小女子姓卞、就住在東

城、昨夜二更時分、突有一賊踰牆而進、將小女子父親

殺死、家中僅有一母、看守屍骸、小女子特來案下訴冤、

丑阿唷、是一樵命案、你父親作何生理、且以牛醫爲業、

敘次簡括

引起無痕

丑向來可有仇家、且父親極爲仁厚、一無仇怨、丑郡城

之內、豈有大盜猖狂、可遺失什麼物件、且一無遺失、丑

這就奇了、我且問你、那賊人可有些踪影、且求爺爺驗

屍、獲犯爲父親伸冤、若言賊人踪影、小女子遭此不共

戴天之仇、不得不實說了、丑呌、怎麼、且前晚小女子卧

病在牀、忽聞院中聲響、隔窗問是何人、便有一人回答、

說是鄂秋隼、意在圖姦、小女子不允、他進屋內擁抱、小

女子跌倒在地、他將小女子繡鞋褪去、惟恐聲張、匆匆

遁去、出鞋介昨夜父親被砍後、牆下拾得此鞋、小女子

臙脂獄

單

帶來存案、丑拍手介、妙極妙極、虧你這女子如此細心、

只才是仁慈隱惻、造次弗離、既有賊證、又有姓名、我便

好誅斬賊盜、捕獲叛亡、有了把握、就好辦了、對役介你

們帶著這女子、傳齊仵作、老爺立刻前往相驗、抽籤標

介立派健役、簽拏鄂秋隼到案、不可漏洩、放縱、自干罪

戾、役接簽介丑升輿同下生上、減字木蘭花闌珊心緒

葉底暮蟬鳴不住、一味蕭條、好似南冠客、思撩小生鄂

秋隼、自與宿兄講書回來、悶悶不樂、終日戲門、日來更

覺心神不定、不知爲了何事、煞是可怪、二役上兄阿那

鄂秋隼是箇文質彬彬的秀才、怎會做出這樣事來、
役 不要管他、拏到官去、自有分辨、這裡是了、
進介 相公、你可是教鄂秋隼、
丑 小生正是二位何來、
役 鎖生介 如此跟了我們去、
生 驚介 爲了何事、鎖起我來、
役 我們也不知道、
奉聊城縣太爺的簽、教我們鎖拏你的、
生 這是那裡說起、
役 奉生下丑 儀從上升堂坐介 役鎖生上 稟老爺、
鄂秋隼拏到、
丑 帶上來、
生 跪介 吏唱 鄂秋隼、
生 有、
丑 你是何處人、
向幹什麼營生、
生 是聊城學生員、
家居讀書、
足不出戶、
丑 拍案介 好箇秀才、
你足不出戶、
專會踰

臙脂獄

望

牆如何向卞氏調姦、如何砍死他父親、
從實招來、
本縣尙可法外施恩、
如有半點虛誣、
看大刑伺候、
役 吆喝生 股標不諳丑 這狗頭非刑不招、
先責四十大板、
生 爲了何事、
生員全然不知、
丑 尙稱生員、
掌嘴、
役 要稱小人、
生 是是、
小人實在不知、
還求明示、
丑 可惡、
已極、
帶卞氏上來對質、
役 帶旦上 跪介 丑 卞氏、
鄂秋隼拏到他、
逞刀不認、
你與他對證、
旦 鄂秋隼、
你前日進我院來、
突然擁抱我、
跌倒在地、
你將我繡鞋褪去、
昨日怎麼又進前院、
將我父親砍死、
現有繡鞋爲證、
從何抵賴、
你這人面獸心、

的賊恨不能寢皮食肉以洩我忿。痛哭介生呆介丑。此等形狀顯係情虛。用夾棍夾起來。役上夾棍生昏暈緩緩醒介咳。

前腔禍事潑天凶。影響毫無儘愚弄。把無情極楷任意磨礮。逞威權電掣雷轟。歎弱質魂飛色迸。便生成百口也全無用咳。這是前世事了。除非死質蒼穹。

小人一一承認便了。丑真贓實據現在。也不怕你不認。該房寫上供招教他畫押。一面咨革收禁。一面定罪通詳。禁子過來。雜有。丑將這一干人犯分別收監退堂。各

臙脂獄

下

皇

如此定讞
真是含糊
槽櫃

第十一齣覆勘

末紗帽上

南仙呂胡搗練。膺赤緊。領黃堂。繁區深愧菲材當。束縛衣冠。勤典調紛糴。庶獄費平章。

自歎勞勞役簿書。十年馳騁短轅車。丹忱未必人知道。詢突泉清定鑒余。下官吳南岱。調任濟南知府。家傳詩禮。慚叨甲乙榜之名。位紹龔黃。勉守清白吏之志。自笑才非肆應。出納偏握微權。深知政拙。撫循訟獄尤多。發審昨日柏署。發下聊城縣一案。圖姦未成。拒殺事主。兇

賺脂獄

罈

犯雖已弋獲。案情頗覺含糊。匆匆過堂。未及細訊。看那兇犯。是一瘦怯書生。絕不類殺人者。因此遲疑。今早遣一親信家丁。潛往獄中。察訪待他轉來。或可略知端緒。副末家丁上。殷勤承主命。宛轉訪囚情。老爺小人獄中回來了。末怎麼講。副末小人只做點驗犯人。到了鄂秋隼。小人說你年紀輕輕。犯了什麼罪。他對小人道。月。西。江。平素束身圭壁。向來守分巽宮。妻喪掃墓出城東。路過卞家小弄。遇見閨娃。是實圖姦。進院全空。無端拷打。當真兇。只得承招忍痛。小人不該多問。便說堂上大老爺

是青天、你有冤不妨實訴、未好、你卽傳諭外廂、我卽刻
升堂、副末是、下末看這情形、其中必有冤枉了、

仙呂入柳搖金情多悽愴、辭多渺茫、牢補早亡、羊珠失空
羅蚌、樞機全隱藏、擊空風浪、賊膽忒猖狂、豈瘦怯書生如
斯膽壯、凶鋒莫當、詭狀難詳、詭狀難詳、禍根孰釀、

下各役照常上立末更衣出介、未必溫犀能照耀、但將

秦鏡自摩挲、坐介帶聊城縣案犯聽審、役帶生且上跪

介吏唱、卞氏胭脂、且有吏鄂秋隼、生有、未將鄂秋隼帶

過一傍、生下旁坐地介未胭脂、且有、未那鄂生與你訂

賺脂獄

望

約後、可有人知道、且無人知道、未你與鄂生相遇時、可

有別人、且並無別人、未帶鄂秋隼、生上未鄂秋隼、生有、

未我看你是箇瘦弱書生、你將始末根由、緩緩訴來、我

這裡不輕易用刑、你無須害怕、生青天大老爺在上、小

人那日掃墓回來、路過北巷、見舊鄰王氏與一少女、跼

在門前、小人瞥見、卽趨步而過、並未交接一言、以後在

家、憑空縣役到來、拏去拷問、小人受刑不過、只得承招、

實、不知道此中情節、求大老爺作主、未對且介胭脂、你

方才說遇鄂生時、並無別人、他怎麼招出舊鄰王氏、且

一眼觀破
殷竹在胸

雖有王氏與他實無干涉、末那王氏現住那裡、且在小
女子對門、末將二人帶下去、生且下末抽籤標付役介

立傳王氏聽審限三日到案不准與胭脂見面、雜應下

末王氏不知何等樣人看起來必是知情的了、

淘金金蜂兒、浪飛蜜語招冤障、鶯兒善鳴巧舌成虛誣、暗

地雌黃、胡言談講把箇關天性命、戲侮荒唐反做了無事

人兒觀一傍、良心儘喪、天道終彰、一任顛狂難逃羅網、

暫下雜帶貼上連去帶來五百里有餐無宿一雙人好

差使三日工夫足不停趾堂上大老爺性急只得日夜

臙脂獄

吳

奔波好了已到衙門口了、那位伙計在、雜上什麼事、雜

托你看好犯人我進去稟明、下內傳介伺候升堂、眾役

上末上坐介、雜稟大老爺王氏帶到、末帶上來、貼跪介

末王氏、貼有末那卞家殺人兇手是誰、貼小婦人不知

道、末胭脂供說殺他父親之事汝悉知之何得隱匿、貼

冤哉淫婢自思男子小婦人雖有媒合之言不過一時

游戲他自引奸夫入院小婦人何從知道、末你如何與

他戲言一一講來、貼那日胭脂送小婦人出門適鄂生

路過胭脂頗為留情小婦人說此人是我舊鄰新有妻

籠頭一單
爭露全形
勝今之圓
光多矣

應舊鄰王
氏語

喪當寄語委冰、後來胭脂患病、小婦人戲之、說何不招
來一敘、這話是有的、以後情節、小婦人實不知道、未帶

胭脂、役帶旦上跪未你說王氏無相干涉、何以他倒招

出撮合之辭、看大刑來、旦哭叩介話誠有之、小女子自

己不肖、致父慘死、訟結不知何年、何忍再累他人、求大

老爺開恩、末點首介嘯且帶下去、旦下末王氏你與胭

脂戲言、曾向何人說來、貼並未告人、末拍案介夫妻在

牀、應無不言者、看樛、貼丈夫久客未歸、末雖然戲人者

笑人之愚、以炫己之慧、更不向一人言、將誰欺、械其十

臙脂獄

望

指、役樛介貼呼痛介、求大老爺開恩、小婦人願招、末鬆

樛講、貼曾向舊鄰宿介言之、末宿介何人、貼亦是秀才

末、舊鄰何得言隱事、其為通姦無疑、貼俯首小語有姦

末、帶去管押、貼下末抽簽標付役介立拏宿介到案、仍

限三日毋得遲延、雜應下末好了、鄂生有命矣

四塊金

登徒戀姦、意外添魔障、王魁負義、法外偏無恙、掀

成平地浪、惹來羅雉殃、他自履康莊、人遭羅網、教我費推

詳險些兒、把一箇架鴉輕放、
暫下雜帶中淨上、飛風持一票帶露走三天、到了伙計

作講藝齣
餘波

慣便借音
妙

誤在此數
語未免武
斷

有麼、雜上雜、又是一箇你看好了、我進去銷差、下內傳

介、眾役伺候、眾役上末上坐介雜、稟大老爺宿介、介擧到

末、帶上來、中淨跪末宿介、那王氏招得與你通姦、中淨

大公祖、標梅云、求我庶士、迨其吉兮、他既來求、何可相

負、末、胡說、王氏又招得下家命案、你盡知之、從實說來、

中淨大公祖、那王氏與生員總角慣兮、挺胸介、哭而便

兮、那卞氏與生員素未謀面、攤手介、誰知烏之雌雄、末

拍案介、誰與你掉文宿娼者、必無良士、將他衣衿褫去、

重責四十板、役去衣巾打介中淨、上帝板板、要下民卒

臙脂獄

哭

癩了、其實難受、跪介小人招了、末講中淨、那日王氏說

起、胭脂有情於鄂生、小人一時興發、便冒充鄂生、踰牆

進院、那知胭脂病重、不能成歡、小人賺了他繡鞋、且圖

後會、誰知轉來、便將繡鞋遺失、失鞋而後、未敢再往、殺

人之事實、不知道、末踰牆者、無所不為、還敢抵賴、與我

用夾棍夾起來、役上夾棍中淨、作暈漸、哭介小人承認

便了、末供中淨、二次進院、遇他父親、攔擋、小人將他一

刀砍死、末令他畫供、中淨畫介末、帶鄂生、卞氏上來、生

旦上末、鄂秋隼、你冤枉了、殺人正兇、在此、你可認識、生

顧中淨 這是同學宿兄。未便是他冒你名兒做得好事。如今你且回去。我移文學中復你衣衿。生叩頭介謝青天大老爺恩深再造。旦愕介原來不是他。向生痛哭生回顧下末。胭脂你黑夜認不明白。我與你宛曲審問。方得其實。有了正兇。便可結案矣。旦多謝青天大老爺。末下去。且下末。將這要犯押在死囚監裡。不可疎脫。役應帶中淨下末。

攤破金字令。奸情叵測。巧詐難名狀。民暑可畏。曲折須裁量。正直無私。鬼神來餉。那堪深文鍛鍊。威權標榜。生靈荼膳脂獄。

說得可怕
較網被放
衙者爲甚

毒膺鉅創。冤魂泣那廂。爰書定這廂。不是矜張。便涉荒唐。草菅人命。相和唱。

眾役跪介小人們伺候多任。不曾見大老爺這樣青天。今日審明此案。衙前老幼歡欣鼓舞。俱頌揚大老爺神明。末這也難得。大凡人生精力有限。愛惜者多。果能悉心體察。定得真情。本府亦期於無枉無縱。何嘗以察察爲明。

忠厚存心
自殊凡輩

金風曲。聽言觀色。眞僞宜評量。揆情度理。方寸須凝想。偶爾誠求。當敢說是。得民情。折獄無虧心。鏡懸明朗。嚴條赦。

善○良○諛○詞○謝○頌○揚○還○愧○我○莫○弛○成○湯○網○

退堂

末下眾役同下

臙脂獄

幸

第十二齣 訴冤

中淨鎖鑰上。西陸蟬聲唱，南冠客思侵。區區宿介，只因
漁色心濃，要想胭脂到手，畫虎不成，反弄出人命大案。
不知那箇天殺的，做出這樣事來害我。別的尚可隱忍，
拍頸介。這喫飯家貨，那裡是要得的。咳，不想竟鬧到這
步田地呵。

亦整亦暇
毫不費力

北雙調新水令。堪憐磨蝎命，宮排是前生惹來孽債。桃花空
照命，棘木實罹災。運蹇時乖，犯天牢立遭敗。

我與王氏自幼纏綿，他雖出嫁，時聚舊歡，那晚他偏生

胭脂獄

三

說起胭脂，我垂涎已久，未免心動，便有得隴望蜀之想。
只此一着，便是我錯了。

駐馬聽。珠采層厓，少小已經精衛海，香貪靈薤，風流更想
楚陽臺。如今鸞鳳兩分開，終朝狂狴相親愛。悔當初萬不
該，無端闖入閻浮界。

細想起來，原是我錯，但揆厥初心，不過是青衿佻達之
風，何嘗有白刃可蹈之念。蒼天哪，蒼天，我這一腔怨憤，
難道你竟不能下鑿乎。

沈醉東風，蒼昊遠天，眼怎開愁緒，積吾腹自哀。直到了鬼

工雅

極力掀騰
正爲後文

門關何處覓還陽策黑模糊冤魂去來只怕要襦襟從新
作小孩哭介忍不住無窮淚灑

坐地介想我宿介半生攻苦頗有文名縱不能置身青

雲亦何至枉罹法網咳平日恃才傲物那班學中朋友

都不在我眼目之中未免睚眦難逃怨恨事到今日沒

一箇替我代伸冤枉這也自怨自艾難怪別人垂頭半

响介我聞得學使施愚山先生博學多能愛才如命我

何不做一訴狀待他到來免人投進或者生死人而肉

白骨舍此公尙何他望有理阿有理

臙脂獄

至

緊切訴狀
藻不妄舒

甜水令落拓平生風流半世危亡頃刻說甚麼人世等優
俳還靠著犀管生輝蠻牋吐霧鴻文耀采也只算將死鳥
鳴哀

待我構起思來還是散文好呢還是駢文好呢噯只要

說得懇摯散整兼行無乎不可

折桂令劣書生上叩崇階仰德曜遐臨智府宏開虔肅心

齋謹濡毫素泣訴衷懷怒狂愚性佻達淪身孽海踰閑檢

總風情失足懸厓憶當佩鞮之年偶蹈窺牆之失與王氏

呵兩小無猜幾載相諧不想道城火殃魚天外飛來

擬筆直書
不假思索
文人妙來
無過熟

列敘前事
要言不煩

緊要關鍵
處一頓

此從失履
後未敢復
往句繹出

呼籲之聲
躍於紙上

錦上花。偶。因。他。戲。說。嬌。娃。毛。施。異。采。打。動。我。繫。念。春。風。劉
阮。殷。懷。因。此。上。李。戴。張。冠。踰。牆。去。來。怎。奈。他。病。態。愁。容。歡
娛。路。乖。片。時。萬。慮。縈。一。刻。千。金。買。事。既。未。成。心。殊。不。死。想
瑤。島。重。游。親。簪。寶。釵。將。玉。山。推。倒。偷。擊。繡。鞋。握。別。匆。匆。歸
途。遽。邁。

清江引。釀。蜜。好。花。難。恣。採。舊。徑。思。尋。再。袖。底。失。飛。鳧。胸。次。
遭。芒。董。頓。教。人。書。空。咄。咄。怪。

對。玉。環。從。此。後。翹。首。蓬。萊。何。嘗。惹。點。埃。絕。跡。天。台。生。防。召。
禍。胎。那。知。道。殺。氣。孽。空。來。凶。星。迎。面。屆。三。木。頻。挨。心。驚。還。

臙脂獄

壹

肉。駭。大。辟。難。捱。魂。亡。先。氣。呃。

雁。兒。落。帶。得。勝。令。榮。枯。水。上。燈。冤。孽。前。生。債。明。知。禍。自。招。
悲。苦。難。甯。耐。幸。相。逢。朗。鏡。照。無。涯。殘。魄。敢。鳴。哀。惟。望。取。高。
舉。青。雲。手。或。可。令。重。瞻。紅。日。臺。駑。駘。生。與。死。求。青。睞。陰。霾。
開。與。合。仗。鈞。裁。

腹稿已成自問無一虛言、或可動聽、幸虧我來時帶得
些散碎銀兩、不至十分喫苦、明日將錢、浼禁卒哥買箇
稟柬、借副筆硯來、謄真了、俟學使到時、托人投遞、或者
他愛才心切、尚有生望、咳、不過微倖萬一耳、

籠單後文
不著痕迹

歇拍煞。箇箇黑處拘囚態。妄想思量。起升冤海。仗文章變化。
推移盼德澤。奇巧安排。蒼天阿你。仁心雨露。偏我負質恩。
光戴到今日。捫心兒。自揣。雖不能忠孝。兩無虧。亦何至身。
家一齊敗。

垂首搖擺下

臙脂獄

毒



第十三齣 繹供

外紗帽便衣黑鬚上

金絲引和
叢蘭吹氣

中呂菊花新新銜。恩命蒞名都。玉尺平持細撫摹。倖見聖門徒。洵文化肇於鄒魯。

尼山遺澤至今長。蔚起材多教有方。博採輶軒無異術。貞淫正變自裁量。下官施閭章表字愚山皖之宣城人也。登順治丙戌賢書。成己丑進士。奉職刑曹。出使西粵。得游嶺海諸山。頗快心目。前以大母棄養。持服里居。服闋還京。補授員外郎。幸逢今上右文。特旨御試名

臙脂獄

卷

列第一。擢山東提學僉事。到任數月。歷試充沂。喜得文章爾雅士。行端方。昨日按臨濟南。首郡行香歸來。例應放告。忽見訴狀一紙。詞意悽惋。細觀情節。似非誣捏。反覆推求。殊覺可憫。因此移文院司。索取全卷。且待送來。尋釋一番。總期生死兩無所憾。方為平允耳。

石榴花。皋謨細詰出入不容誣。膺重典。釋無辜。刑章輕重待編摩。最堪虞。情節模糊。虛實有無。笑亡羊。枉自牢空補。尤可恨者。逞機謀。專務刑求。昧天良。玩視民瘼。

二語抉出
弊端

末典吏持卷上案頭。三尺法階下五刑人。門上那位在

副末家丁上 那裡來的、未有司衙門奉文提卷、差小吏

送來的、敢煩通報、副末候着、進介稟老爺有司衙門着

典吏送卷前來、請老爺鈞示、外問他倘是聊城縣姦殺

一案卷宗、着他留下、且自回去、副末是出介家爺問你

可是聊城縣姦殺案卷、未正是全卷在此、副末接介家

爺傳諭案卷留下、你且回去、未有勞了、下副末進介是

聊城縣全卷、已分付來人回去了、外放在桌兒上、你自

迴避、副末下外就案看介此是縣中驗屍獲犯落膝初

供最關緊要待我細細看來

臙脂獄

五

前腔屍傷按部致命立時殂、憑臙脂證緝兇徒、根株細究敢

含糊立時拏獲鄂秋隼、便應問出實情從容定案、怎麼一

無供詞問成大辟、咳三木之下何求不得、忒荒唐、猛比洪

鑪騰焰焦枯、名為信讞無單詞、訴但憑他桎梏威風、不思

量情節抵牾

自來不肖州縣、大抵如斯、只顧自己身家、不管他人性

命、胡亂定案、實屬可恨、既以鄂生抵罪、何以又有宿介

繙閱介 只是解郡發審的卷宗、待我看來

泣顏回 善類力相扶、細推詳大異、粗疎把根株、究出友求

細咄怪事

敘次簡明
亦整亦暇

頓挫好

鶯。旁。及。提。壺。真。情。盡。吐。別。有。箇。劉。郎。闖。入。天。台。路。脫。鞵。纓。
放。出。溟。鵬。固。樊。籠。繫。住。沙。鳧。

原來從王氏究出宿介業已供認圖姦這就罪無可追
了。

前。腔。品。行。忒。卑。污。敢。踰。牆。跡。類。萑。苻。從。來。奸。盜。罪。相。聯。異。
罰。同。符。前。供。縱。誤。到。今。朝。召。父。來。何。暮。育。英。材。化。繼。文。翁。
雪。冤。情。治。邁。龍。圖。

又作一頓
愈覺下文
有力

這吳太守悉心研鞫審出宿介釋放鄂生鐵案如山矣
怎麼宿介還敢詆冤殊難憑信細閱介呀我觀卷內前

臙脂獄

五

後供詞宿介兩次踰牆進院先在王氏家聞得胭脂有
情於鄂生遠動漁色之想猶恐王氏妒忌假無心之詞
向王氏探明下家門徑初次入內直達女所接談多語
褪去繡鞋並無他人知覺怎麼二次進院忽爾昏眊誤
詣翁舍致遭敗露這情節有些參差閱狀介宿介訴說
失鞋後未敢復往鞋既失去何得復在宿介手中又未
究其何處檢回這持鞋復往者恐非宿介搔首仰思介
拍案介前後顯係兩人必罪此生此生冤也

急板令弄聰明周密無疎敗機關行藏忒粗爰書未孚把

冤字之由
層層想出
不特補滿
志之未詳
亦足徵聽
訟老手

徵實愈巧
翻空易奇

箇奇巧新鶯跳躍靈狙看做孟浪飛蛾惡劣庸鶯殆未將
節目爬梳縱明察尙偏枯

我看此案未可據爲定讞尙須研鞫細情明日將一千
人犯提至本院署中聽審究彼真兇釋我疑竇方始無
憾耳

居心仁厚

前腔幻樓臺空中吸呼蠢生靈庭前匍匐須得要善植好
鋤休得把良木摧殘惡種稽連垂首神駒得志城狐否也
然乎又豈在歌子惠頌來蘇

副末上立介外來副末有外將這卷宗集齊收好傳諭

臙脂獄

素

外廂明日著典吏將聊城縣一千人犯提集轅門候我
親自審訊副末是外咳非是我不憚煩勞奈人命關天
豈同兒戲總期水落石出乃成信讞

起下廟訊

尾聲清風願掃冥冥霧怕聚鐵難成一錯還仗神明默助
吾

下副末捧卷隨下

第十四齣 提鞫

宋典吏上 恤刑舊典屬星塵。月斧修餘刀筆持。政事端由文學見。出身況在白雲司。我有司衙門典吏是也。學憲施大人考畢濟南後。忽來提取聊城縣姦殺一案。我將案卷送進。今日要提一千人犯面鞫。此案已經濟南府吳大老爺訊明。將正犯宿介獲到定罪。難道還有冤枉。又要提審。聞得這位施大人在刑曹供職。鑒察如神。昭雪之案不少。想必看出破綻。別有會心。倒要觀看觀看。也好長長見識。時候尚早。且到茶館中坐待片時。暫

臙脂獄

竟

下內傳點擊鼓。劊子皂隸等陸續上。分立介副末家人捧印外冠帶上。

一片婆心

南黃鐘 西地錦聽訟難求民隱。爽鳩舊職重循焚香。選士吾應分推誠願及冤民。

升坐眾吆喝介外 下官施閏章奉 旨提學山東。已將濟南首郡考畢。昨因宿介一紙訴詞。調取全卷細加尋繹。其中不無疑竇。今日提犯面鞫。想已到齊。喚典吏上來。末上叩頭介 典吏參見大人。外 你是承值典吏麼。末 正是。外 這聊城姦殺一案。已經濟南知府訊明定罪。似

謙恭之處
正是誠實
之處

立言得體

無疑議、本院提集卷宗、復加尋繹、尙有可疑者數端、因
此要當堂面鞫、庶期無枉無縱、你爲我代陳院司、要鑒
察本院一點至誠、方不疑爲多事、未大人明察素著、聽
斷如神、遠近共仰、本省院司未敢請命、今蒙提鞫、不特
院司感仰、卽合省黎民亦共沐恩德、外點頭介
先提宿
介聽審、未傳介役帶中淨、赭衣鎖銜上跪介
青天大人
在上、小人自知不肖、身膺大辟、若非大人超升、一入阿
鼻、永遠不見天日矣、泣介外孽由自作、尙怨何人、本院
細閱供詞、尙有待訊者一二事、我且問你、那日從胭脂

臘脂獄

李

處出來、又往何處、

中淨

仍至王氏家中、

外這鞋子遺失

何處、

中淨

實已忘之、似入門時、猶在袖中、

外可記得清

楚、

中淨

記得清楚、

外可有虛假、

中淨

阿吓青天大人、事

到今日、還敢有半字虛假麼、

外只就是了、

中淨下

外自念介、入門時、猶在袖中、帶王氏、

役應傳鎖貼上跪

介、

外王氏、

貼有、

外你與宿介通姦、外還有幾人、從實招

來、

貼

此外並無一人、

外淫亂者豈得專私一人、與我拶

貼小婦人與宿介、穉齒交合、故未能謝絕、此外非無見

挑者、身實未敢相從、求大人寬恩、外見挑者何人、從實

說來。貼同里毛大。屢挑而屢拒之。外何忽貞白如此。與我重責。役吆喝貼連叩頭介實在並無他人教小婦人

從何處招來。外汝夫遠出可有親友往來。貼丈夫親故

絕少。只有好友兩三人。因借貸餽遺來過一二次。外是

何等樣人。貼皆無業游蕩。外可記得姓名。貼一名趙二

一名王三。皆曾來過。外顧吏介。記清供招。吏應介。外帶

下去。貼下外。看來殺人兇犯不出此數人中。搔首介。怎

樣設法誘出實供才好。

畫眉海棠太無因。恁得清源辨真本。怕刁徒辯言利口。津

臚脂獄

空

刁狡情狀
不問可知

津逞強詞一味持蠻求折證。萬分無準。海上重思忖。要奇

想凌空詭情難遁。

服役且退本院自有道理。典吏率服役下家人捧印外

起作入內堂更衣介。坐介。這案情證據全在繡鞋設繡

鞋失去。尚可訪查踪跡。賊證既獲。兇手自無逃遁。無奈

兇殺之際。繡鞋已落牆下。兇犯脫然而去。一無把握。卻

從何處根究。好難擺佈也。

畫眉姐姐。究來因一瓣蓮花。兆成覺想。當日智珠在握。著
手成春。便到今日。問官亦可從此根究。奈執刃者翻似鳧

實係一大
關鍵

交互寫來
入妙

飛使竊履者居然免遁好姐無憑準除非是別施巧計通
神座才得奇冤雪覆盆

我想此案非託神道設教難得真情來副末有外你今

晚與我潛至城隍廟檢一黑暗之屋用石灰滿塗壁上

更以煤水一盆置之暗陬我自有用處副末是欲下介

外轉來副末有外你獨自前去不可使一人知道倘有

漏洩喫罪不輕副末不敢下外我也算苦心孤詣若此

番不得實情宿介死矣

啄木鸚頑愚質不易馴要巧妙神機先暗運想來卻也好

臙脂獄

空

點綴生新

笑此等愚民非鬼神之說不足聳其聽聞狄青容銅面重
施盧杞臉靛藍再暈把森羅鬼卒排成陣只怕強項見時
也難安穩黃鸞兒搵翻新幽明交治立辨假和真

明日晚堂在城隍廟再審且待拘到這一班人看他光

景便知分曉矣

尾聲奸徒拚著終難隱只在聰強鑒察神直教他魑魅相

逢也喪魂

下

第十五齣廟訊

副末家人上。頂度星臨奴僕宮。偏才近貴運亨通。日躔忽與天魔遇。要顯神差鬼使功。區區施大人一名親隨家丁。昨日我家爺問案退堂。教我晚間到城隍廟檢一黑暗之屋。用石灰塗滿牆壁。又以氈褥遮瞞鐵桶。更將煤水一盆。置之暗陬。不知是何作用。我家爺在刑部問案。離奇光怪。昭雪許多冤獄。實在佩服他聰明正直。今日這番作爲。又不知若何擺佈。昨已安排妥當。今日晚堂。要往城隍廟審問。只得小心伺候。下末與吏上 我作

廳脂獄

奎

經承三十年官場奇事。閱盈千貪廉明暗般般有。今日行爲又不然。卻是爲何。這學院施大人昨日將聊城命案覆審一堂。但將宿介王氏二名提鞫。也只問了幾句要緊說話。末後問出毛大等一班人。俱是案外無涉的。今日命將毛大等三人。帶至城隍廟晚堂候審。豈不是奇怪。仰望介 已到黃昏時候。趕赴城隍廟承應。才是。下 內鳴鑼皂隸劄子執燈家人捧印外風帽冠帶乘輿上

南中 尾犯序。誠意達蒼穹。一瓣心香。頂禮遙貢人命關天。可輕擾凶鋒。作到下與介 惶悚看殿下閻羅森列望殿上。

繪出廟貌
崑我景像

香煙護擁靈旗颺猙獠神鬼颯颯起陰風

雜老道上

迎接大人請大人殿上拈香外照常行禮畢

雜進茶介外道人退下侍從擺列公案眾應設公座外

升坐照儀吶喊末上

典吏參見大人外典吏本院關傳

一班人犯可已齊集末俱在堂下伺候外一齊與我帶

上來末帶毛大等一千人犯進役鎖淨副淨丑同上報

毛大趙二王三進眾喝介各跪末唱名介毛大淨有末

趙二副淨有末王三丑有外你們一千人向來作何生

理眾小人等皆無恆業做些小買賣營生外可認得王

臙脂獄

畜

氏之夫眾同里居住時常會面外那王氏之夫出外貿

易你們可曾到他家去眾不敢欺瞞大人去是去過連

茶也沒喫過一口外放屁誰問你喫茶來你們到他家

去爲了何事從實說來免得受刑眾大人明鑒小人們

家道貧寒向時王氏之夫在家承他周濟他出門後也

想向王氏借貸幾文奈他一毛不拔外混說本院看王

氏原非守分之人你們這班無賴之徒常到他家無非

爲圖姦之意從實招來本院猶可法外施仁若有半字

支吾看大刑伺候眾役喝介淨等丑實在並無姦情丑大

人小人那日到王氏家去一番美意說嫂子一人在家未免冷靜我帮你在廚下洗洗菜剝剝葱他倒打了小人一巴掌大人想若與他有姦他怎生捨得打我外拍案介一派胡言與我剝去衣服用荆條痛打眾役應剝衣亂打介外

前腔換頭愚蒙。理喻莫能通。鼠腦獐頭。鷲性凶猛。三木憑施。肯稍加寬容。著實打休縱。准備要驅除稗種。准備要嚴懲暴橫。無情棒。諒邀神鑒。魂魄攝遙空。

淨副淨丑阿唷冤枉。今日大人便打死我們也招認

臙脂獄

奎

不出什麼來。外放他們起來。本院實對你們說。夜夢神人告我說殺胭脂之父。不出爾等數人。本院是以今日來廟中審問。爾等招出實情。本院尙可設法拯救。如若不招。還有大刑受用。淨副淨丑便用大刑也說不出什麼來。外既如此說。也不用大刑來。副末有。外神人對我說。殿旁有一黑暗之屋。你與我看來。可是有的。副末是。下即上殿東一屋。果是黑暗。外這就是了。對眾介本院夜夢神人說他們不招。可帶進黑暗屋內。皆令袒背。背面壁旁有淨水。令他們各自盥洗。吾神自能書其背上来。

副末有外 你先帶路令皂役押付此屋頃刻便見分曉
副末是 前走帶皂役押下外

前腔 幽渺路潛通。咫尺神威。多有施用。擲筆空虛。勝殊紅
題封堪慟。肆欺詐。懜騰入夢。弄姦殺身家頓送。時來到冤
魂索命。若箇脫樊籠。

帶他們出來 副末引眾上淨落後背上石灰加黑煤作

敲鉢狀外拍案介 殺人賊在此還有何說 淨跪介外從

實招來 淨俯首不語介外 此等兇賊非刑不招與我來

起來 眾應上夾棍介淨 小人願招外講淨 小人原來看

臙脂獄 矣

想王氏屢次調戲他只是不允後來知他與宿介有姦

小三想執住宿介王氏便可到手那夜看見宿介進王

氏門內小人跟踪而往才進門踹著一物當即拾起揣

在懷中掩至王氏窗下竊聽聽得宿介說冒了鄂秋隼

名兒到臙脂家因他病重未得成姦脫了他繡鞋轉來

卽向袖中摸索方知不見了要點燈出來我尋小人恐

被他看見一溜煙走了回家看著鞋子心動往常過臙

脂門前看見他美貌過了一夜也想冒鄂秋隼名兒前

去圖姦踰牆進內不料誤走到他父親窗下他父親知

快招簡而
不漏

完王氏趙
二王三

和盤托出

趙判圓齣

覺順手拏了一把藥刀趕出小人見他勢頭不好轉身就逃正要爬牆他已趕近情急轉身奪刀砍去黑暗中也不知砍著何處他便聲喊倒地小入手中繡鞋也丟掉了方才得脫求大人開恩眾役相顧作詫異狀外既已實招帶去收監事與王氏無涉并趙二王三一齊省釋帶下去眾押三人下末典吏愚昧不知大人如何看出敢求明示外笑介此等愚蠢之徒非用術不能誘出真情本院先令家丁布置以石灰塗於牆壁合其祖背向外自有神來書寫他當是真有神明來寫故以背靠

臙脂獄

奎

壁而有灰跡盆中係煤水渠恐果有神書在背出來時以兩手掩之而有煤跡我看毛大兇惡之狀已料到必是此人今惟他一人背上情跡顯然故一夾便招矣末叩頭介大人如此明察何勞神助小吏當了三十年經承從未見此青天真造福無量也外也未見得

前腔陳力盡愚悞。巧術聊施先令神悚。獷悍情形早知爲真兇。微中還仗著神靈默佑。還仗著鞫訊虛衷。方得箇奇冤伸雪。鳴雁唱噫噫。

打道回衙。眾應介外巧把機關誘實情。蚩蚩莫漫笑愚

正落下文
收束全篇

氓鶯簧蝶板徒多事
玉柱看調素女箏
眾喝道外乘輿下

膳脂獄

突



第十六齣判圖

小生冠帶上

摹神韻語
豈作者現
身說法耶

南中青玉案琴堂日暖爐香噴聽鵲語喧聲近滿縣花成
連理本久諧鸞鳳待賦衾裯究竟無憑準

種遍河陽一縣花花開雙笑屬誰家才疏敢說牛刀試
也聽絃歌到耳奢下官聊城縣知縣梅其吉宦寄東昌
家居南服乙科忝附幸叨百里提封甲令新頒喜得四
民帖服今早學院施大人發下公文一件驛使傳來急
如星火不知爲了何事待我看來就案拆看介爲審明

臙脂獄

究

巨惡典刑判令兩美合璧事吓這事由倒也新穎且看
他判詞念介宿介蹈盆成括殺身之道成登徒子好色
之名祇緣兩小無猜遂野鴛如家雞之戀爲因一言有
漏致得隴興望蜀之心將仲子而踰牆便如鳥墮冒劉
郎而入洞竟賺門開感悅驚屍鼠有皮胡若此扳花折
樹士無行其謂何幸而聽病燕之嬌啼猶爲玉惜憐弱
柳之憔悴未似鶯狂而釋么鳳於羅中尙有文人之意
乃劫香盟於襪底甯非無賴之尤蝴蝶過牆隔窗有耳
蓮花卸瓣墮地無踪假中之假以生冤外之冤誰信天

降禍起。桔槔至於垂亡。自作孽盈。斷頭幾於不續。彼踰牆鑽隙。固有玷夫儒冠。而僵李代桃。誠難消其冤氣。是宜稍寬笞扑。折其已受之刑。姑降青衣。開彼自新之路。喔宿介還是冤枉的。

泣顏子銀手斷如神。共仰皋陶明允幾微悉。辨毫無疑義。中存吳太尊。訊出宿介。開釋鄂生。一時傳爲美談。服其明察。怎麼又不是他假中。又假幻乾坤。誰把廬山認。喜開籠才放飛鴻。笑張羅。又誤游鱗。

千里黃河
到此一曲

又念介 若毛大者乃猾無籍市井凶徒。被鄰女之投梭。

臙脂獄

卅

淫心不死。伺狂童之入巷。賊智忽生。開戶迎風。喜得履張生之跡。求漿值酒。妄思偷韓掾之香。何意魄奪自天。魂攝於鬼。浪乘槎木。直入廣寒之宮。逕泛漁舟。錯認桃源之路。遂使情火息焰。慾海生波。刀橫直前。投鼠無他顧之意。寇窮安往。急免起反噬之心。穴壁入人家。止期張有冠。而李借奪兵。遺繡履。遂教魚脫網。而鴻離風流。道乃生此惡魔。溫柔鄉何有此鬼蜮哉。卽斷首領。以快人心。原來毛大才是正兇。非施大人明察。如何得有實供。

此事屬詞
接情度理

前腔換頭奇文異事盡翻新。白項鑽來蚯蚓。移花接木。空中做得無痕。毛大之冒鄂生而去。不特王氏不能知。便宿介亦無從曉得。何況胭脂。姦原近殺。毒心腸。竟比豺狼。狠大凡讀書之人。縱有邪思。未必具此毒手。賦風懷。或涉情牽。擧霜鋒。誰甘身殉。

又念介。胭脂身猶未字。歲已及笄。以月殿之仙人。自應有。郎似玉。原霓裳之舊隊。何愁貯屋無金。而乃感關雎。而念好逑。竟繞春婆之夢。怨標梅而思吉士。遂離倩女之魂。爲因一綫纏縈。致使羣魔交至。爭婦女之顏色。恐

臙脂獄

主

失胭脂惹鷺鳥之紛飛。並名秋隼。蓮鉤摘去。難保一瓣之香。鐵限敲來。幾破連城之玉。嵌紅豆於骰子。相思骨竟作厲階。喪喬木於斧斤。可憎才直成禍水。葳蕤自守。幸白璧之無瑕。縲絏苦爭。喜錦衾之可覆。嘉其入門之拒。猶潔白之情人。遂其擲果之心。亦風流之雅事。仰彼邑令。作爾冰人。哈哈。愚山先生夙稱道學。也有此風流儒雅之文。教下官作成雙美。何樂不爲。倒也有趣。

榴花泣鴛鴦。譜牒覷真真。一綫紅絲了夙因。應頒新號。署氤氳。公堂花燭照新人。良時吉辰。算今朝結訟真風韻。判

貞淫案比南山賜婚姻榮逾華袞

來末家人上有小生傳諭外廂卽刻升坐大堂分付更

役聽聞人進觀不准攔阻再傳鼓吹彩輿衙前伺候未

是照傳介各役上小生升坐介帶宿介役應帶中淨上

跪介小生宿介你的冤枉施大人已問明另有兇手抵

償將你開釋降爲青衣以後須要安分不可再犯中淨

叩介蒙施大人恩深再造謝大老爺洪恩小生下去中

淨下小生監中帶出毛大役應帶淨上跪介小生施大

人已勘明定擬奏聞處斬將他挪了役挪介小生原差

贖脂獄

三

完毛大

持我名帖會同營官押赴市曹斬訖報來役應帶淨下

小生再持我名刺向學中請鄂秋隼秀才到來一面遣

人至卞家令胭脂更換新衣上堂論話役應下帶生旦

新衣上生幾番遭挫冤才雪旦一旦聞傳心又驚上堂

立介小生施大人爲該生冤獄煞費苦心今已審明定

案頗有判詞在此親自看來付生介生看畢呈上介施

大人深恩厚德何以圖報敢不惟命是從小生既如此

點起花燭公堂交拜下官忝作冰人生多謝老父師鼓

吹生旦對小生拜小生回揖介眾合

夜束全篇
慮周藻密

駐馬泣喜氣盈門。頽到河陽滿縣春。洵是文章魁首仕女。
班頭合結朱陳。看幾番磨鍊顯松筠。一朝歡合調琴軫。種
深情茶薺能甘笑。荒淫薪樵同焚。

小生 命彩輿上堂。鄂生前導。以鼓吹送胭脂到鄂家成
婚。眾擁生且下小生。今日之事極有風趣。

尾聲。辦蓮巧合諧。秦晉作成我風流。令尹還仗他判筆生。
花簇斬新。

下眾役隨下

訟獄根由考究詳。

聊齋筆豈盡荒唐。

臙脂獄

壹

假中冒假多機械。

冤外伸冤藉智囊。

抱璞家風詒下氏。

續膠苦况笑秋郎。

奇文奇事堪千古。

更演奇情入戲場。

曲文判語
亘古常新



